

671.4107
580
2014.129
7

太谷縣志



太谷縣志目錄

第一卷

方輿圖

縣境詳圖
五區分圖
山脈水道圖
城郭圖

年紀表

唐虞至民國

官師表

隋唐至民國

第二卷

選舉表

北齊金元明清
學校畢業
附薦辟

仕籍表

文職
武職

第三卷

地理略

津疆域
梁域
沿革
車站
山川
關隘
溝油
電報

賦稅略

戶口
田賦
倉儲
差徭
雜稅
財務局

第四卷

生業略

農桑局
物產
工廠
商會

教育略

庠學校
表
學校
銘賢學校
機關

禮俗略

禮節
方言
風俗

兵防畧

歷代兵事
商團
附古兵備
巡警
保衛團

第五卷

名宦傳

隋唐至清

鄉賢傳

分封
孝友

功勛
義行

忠烈
隱逸

宦蹟
方技

儒行
附遺聞

文學

第六卷

列女傳

烈婦
賢媛

節孝
壽婦

第七卷

營建考

城堤
碑亭

公署
坊表

廟學

古蹟考

城堡
金石

宮府
塚墓

壇廟
古樹

寺觀

第八卷

著述考

經目
子目

史目
集目

祀典考

祀孔儀文
祀關岳儀文

外編

附

太谷縣志卷七

營建

興作土木勞民事也而勞民正所以治民蓋城郭衙署庠序岸獄諸建置皆法度之所在即興作之不容少緩者也太谷壤地雖小而法度之建置或造或因歷歷可紀爰述前代所創並近今改作者以次纂輯而關於建置之各碑銘則依類分注於後非僅表彰先民締造之勤亦可藉以考證事實云爾

城堤

舊城在今治之東二十里陽邑鎮北周建德六年西遷即今縣治

也始築土爲之周圍一十里高一丈八尺池闊一丈深五尺後南面淤塞惟三面存焉明景泰元年知縣劉鐸重修正德六年流賊楊虎寇縣境九年署縣太原府同知張冕增高二丈五尺門各甃以甃建重樓於其上樓額東曰長春南曰鳳儀西曰望汾北曰眺燕門額東曰長樂西曰登豐南曰永康北曰拱辰而制漸宏矣其四隅角樓則知縣陳繼昌所創迨嘉靖二十年俺答寇縣境城垣頽壞縣丞王章主簿安恩復修築之於東北二門創甕城西南各設重門知縣趙紳增築敵臺六座構樓其上濬其隍而深之三十六年署主簿趙鶚又增四面敵臺隆慶元

年俺答陷石州轉掠而東餘騎薄城下次年知縣初旦增修南門加甕城改門額東曰賓陽南曰麗正西仍曰登豐北曰眺燕萬歷四年冀寧道劉漢儒以土城易圯請於巡撫鄭洛奏諸朝命知縣賈西土董其役改甃以甃城基壘石高五尺許自基至堞高三丈七尺六寸基闊四丈二尺餘甕城門上各建樓三楹角樓門樓重加修飾周圍警鋪五十六座甃砌堞道內益以廻

垣池畔列垣爲蔽而規模乃大備焉

賈西土作修城記云太谷古晉陽處父采地其故城

在陽邑北周始遷今縣治土城也數百年相仍卒未之改夫天地間物成有時非偶然也今邑之境踞大鹵背忻代去邊陲不數舍往歲北兵掠石州遊騎曾弄兵是地賴城池之保障者詎不重且急但有司憚更張遺勞怨無望已即銳志任事者又或

不有上之人諄諄然度之謀之告誠之亦無以興厥事且齊民
難與慮始鮮不委咎有司曰今且烽火未息胡爲而興是工何
勞我如斯也績用弗成職是之故歲甲戌分守翼寧道劉公漢
儒爲右參政行部至邑見茲城延亘千七百丈許俱土築且間
有巖沙幾傾擢卽屬予曰茲城也磚之可乎余以工重費煩民
不堪命爲辭公曰一勞永逸所裨於地方甚重其何辭之與有
於是量功計三年底績余總理其事簿王顯龍尉袁金督其大
土官王隆胡翬等三十九人各分理之畫成請之監司達之晉
中丞鄭公洛奏請於道獎厥執事衆心益勵民忘厥勞得以次
告竣焉是役也肇自乙亥三月落成於今歲五月土易以磚巖
沙者因之而整爲巖巖之勢矣且低愈高薄愈厚平漫可跂於
昔者今視之陡峻莫能昇嗚呼王公設險以守其國從來奮戈
何太谷之城迄今始磚焉此物之成有時也城旣磚矣舉干戈
之民而厝之衽席勞之一時而永貽千百世之利謂非斯民之
幸不可也西土叨守斯邑四載餘矣自慚無功德於民而惟修
是城職也曷足紀也特以數千百年所未有之事而一時舉之
有成功焉豈偶然歟余故書之以彰太谷之幸尤以紀保障之

跡於不
實云

崇禎十五年知縣何景雲於四門外各增建敵臺一座

清順治甲申己丑間兩遭兵燹壞北城東半壁毀敵臺三座七
年知縣戴可進重修嗣後積雨水漲民屋多圯城復頽壞十一
年知縣郝應第於城西北隅開水門一座城垣內外樓櫓邏室
牌堞女牆徧加葺治南甕城門舊向巽明萬歷間知縣楊呈秀
改向離至是仍改向巽乾隆二十六年夏潦南城傾圯知縣高
繼允修復之二十八年復濬四門城隍自是城中無陰雨積潦
之患五十八年知縣郭晉於北城上建樓三座檟棟牕櫺鉅麗
宏敞又於其前築圍牆一道長五十二丈高二尺二寸先是邑

多家庭之訟。晉據彤家者言謂北隅城垣稍卑所致。議增高以厭之。建樓後訟果減。嘉慶二年東南隅城垣圯。縣民修復之道。光十年知縣劉宗秀修南城樓。十一年知縣孫銜修北城樓。十五年趙城亂。民曹順滋事。縣紳孫錫齡、孫晉昌捐資復葺城垣。咸豐三年粵賊林鳳翔等陷平陽。知縣應學達集紳士白大酉等立防堵局。四城內外障堞概加修補。咸豐八年知縣沈長材

捐修西門城樓浚西城隍

邑副貢孟先修作重修西門碑記云太谷城建自北周其先築土爲之歷

代增修至前明萬歷間規模始備我朝數百年來良有司綢繆所守都人士捍衛維桑不憚營繕以固吾圉修廢墜者屢矣

昨歲秋西門圯東門亦殘缺邑侯沈公念切保障倡義捐修紳士之幹敏者董其役以西門工不容緩先舉焉門外跨隍通

衢爲濟民橋多年淤泐並修之始事於戊午仲春蕪事於季夏
凡四閱月而門橋陡壯樓櫓煥新屹屹然爽塏之象與爽氣交
相輝映矣是役也綜理者爲白君紳書助理者爲杜君仕可公
正勤能經營盡善厥功懋哉共使銀三千九百兩有奇其款項
開列於後至於捐輸數目出資姓氏池日東門之經費云
竣自有諸君子會計勒石茲特紀西門之經費云

九年知縣孫

培金復修東門城樓

孟先修作重修東門碑記云太谷城東門
之役繼西門而起者也其始事詳於西門

碑記無庸復贅自戊午七月興工歲寒停止今春嗣續前工
三月告竣規模仍舊其高下豐殺則酌損益之甕城中有隙地

倚南建厦亭三楹暨碑於此倚北建市房五楹收儲金以備城
垣小補之用董斯役者爲張君五桂李君廷肅姚君世休而風

化自上鼓輪將以勸義舉者則前任沈明府倡厥始繼任孫明
府成厥終焉溯自前明萬歷間太谷城始成今制門闕櫓櫓屢

經修葺然僅補其罅隙無使壞墮而已茲則掃除朽敝徹上下
而更新之道光中之修南北門後先同功也繼自今西既繕完

東亦鞏固四面交輝萬家安堵金湯之鎖鑰於是乎在豈徒觀
美乎哉去年西門成余爲之記茲際東門工竣諸董事囑再叙

數言以藏乃事爰泚筆而紀其顛末云是役也先西門後東門工程則分理捐輸則合一應各清欸總會報銷今將收出各項暨官紳士商施資名數共勒四碑以垂永久

護城土堤 堤長五里厚二丈高一丈五尺起自孟家莊蜿蜒至

東關地界止民國四年縣長蔡光輝令孟家莊東關北關暨城內九坊民商各戶出鋤夫合築堤成後每年由孟家莊社三合社按地畝派鋤夫修築積十餘年益增高厚東關村長來文業於堤之兩旁植樹千株嗣楊毓貴被舉爲村長又連年補栽今已有六千餘株樹根盤結堤身穩固屹然爲縣城之保障先是民國三年夏烏馬河水暴發近河諸村被淹水由縣北門衝入

西北維街衢間積水至四五尺深竟成澤國自土堤成後十餘年來幸免漂溺之患縣人表其興築之功故咸呼爲蔡公堤云
公署

縣署在城正中十字街北北周建德六年始建元大德三年縣尹馬仲信重修明洪武三年知縣鄭養吾增修正德十年知縣陳繼昌建大堂五楹顏曰節愛堂左右爲房東贊政廳廳之下鋪長司併諸科吏戶禮房序其下西架閣庫庫之下承發司併諸科兵刑工房序其下堂階以下東西爲隸人舍甬道正中爲戒石亭前儀門三楹門內東倉西獄南兵器庫在焉出儀門而東

爲社神祠南向側則快手輿夫諸舍而寅賓館在其南西鄼侯祠亦南向側則征輸之所外爲大門亦三楹前宣化坊坊左旌善亭右申明亭堂後東書房西抄案房中宅門後堂四楹顏曰自公亭後復爲東西廂房正樓五楹寢室也樓後觀音閣一座北向樓之西稍南爲箭廳三楹葺舊增新規制大備萬歷二十四年知縣喬允升重修清順治十二年知縣郝應第於大堂後更建穿廊三間寅賓館舊向西改爲南康熙五十六年知縣孔興誥重修改建大堂去穿廊暨門樓移鄼侯祠於東與社神並祀倉廢雍正十二年知縣王澤沛重修箭廳於廳後建馬神廟

闢其西偏爲馬廐乾隆二十七年知縣高繼允於後堂東偏建

屋三楹爲治文書之所繕治西偏房舍以居幕客并修寅賓館

仍改西向

公作重修縣署碑記云自北周建德年間廢陽邑舊城徙今治而暑始建焉唐宋以來其詳不可得聞已

今之規模大畧基於前明武廟時陳公繼昌所營構自時厥後增損匪一昔之所謂東園水閣與夫丞簿之廡署今則久已廢

更而其不變者則外掌之制依然也宅門以內若後堂若居樓若觀神之祠獄庫倉廩之制依然也

晉閣雖歲月屢更而形制不改但日久頹敝能無待於宰是邑者次第以修舉哉余自己卯歲攝官承乏迄於今七年始至之

日傾圮漑漫不堪觀縷心所欲治力未克殫乃先其所最亟者建屋三楹於後堂之東偏以爲治官書省計簿之地又修葺其

西偏以爲幕僚之居遲之而大堂而架閣庫而東西廡以及庫

西扁廢苑舊爲牧地者建倉三所以廣儲蓄蓋自是而前後內外稍加振飭若夫上棟下宇改弦而更張則非一朝一夕之事方

有志焉而未之逮也昔孫可之題襄城驛壁其所以爲守令戒者甚至不獨公署然也凡可以爲民興利者不曰我將去而不爲凡可以爲民除害者不曰我即去何用如此則廢者修墜者舉豈獨庭除之蕪堂廡之殘爲長民者所當殷殷以計者哉故書而誌之碑陰欲後之居此者當更起而振新之而亦以警予之拙也

道光二十二年知縣葉菁

華修大堂增高煖閣地址尺許

民國元年將煖閣撤去

復建堂前捲棚其

大門儀門戒石亭宣化坊俱加修葺光緒元年知縣張貽琯重修增高大堂捲棚二尺許改東花廳南牆爲過庭五間自內署

及大門規制一新民國元年衙署改稱行政官廳知縣改稱知

事奉文裁去清代六房三班設第一科第二科第三科各委科

長科員分理民治財政司法教育各務又設承發吏司法警察

承辦行政司法送達公文傳喚人夫一切事宜七年改行政官廳爲縣公署知事之下設承政承審主計視學實業技士宣講六項人員承縣知事之命同廳辦公各員分占署內齋舍並未從新營造十一年知事安恭已於署內辦公廳後隙地建北庭五楹庭前多植花木顏曰小河陽爲公退休息之所嗣將署內後堂宅門署外大堂捲棚清慎勤坊儀門大門具瞻坊一律重

修煥然改觀十七年改行政公署爲縣政府

舊志載縣丞署在贊政廳東主簿署在

在架閣庫西典史署在儀門內東偏城守營在縣署西察院在縣署東布政分司在縣署西按察分司在縣署西府館在布按分司中間稅課局在縣署西留養局漏澤園俱在縣北門外今俱廢惠民局俱在縣署西

審檢所在縣署後堂西別院內民國二年七月奉司法部訓令創辦臨時審檢所縣知事充檢察官設幫審二員分首席普通兩級一等書記一員二等書記二員雇有承發司法警察檢驗等吏民刑訴訟全歸審檢所辦理三年五月奉令裁撤司法事務仍歸縣知事兼理

監獄在儀門內東偏民國四年知事蔡光輝就舊典史署地址改建內築管獄員辦公室及看守習藝等室八年實行新監制將清代吏戶禮三房公地劃入改建山西第四監獄裁去管獄員設典獄長分設三科辦公將祁縣監獄歸併在內規模較前擴

大十五年典獄長金應豫呈明省憲請欸購買北關內東園一帶地基別建容納一千罪犯之大監獄

即正式第四監獄

現正興工建

築

監獄分駐所在儀門外西偏民國七年改建第四監獄歸併祁縣監獄輕罪人犯無處容納奉令設立分駐所十一年裁撤

第一區公所在儀門內西偏民國十一年知事安恭己率警佐白鑾坡就舊監獄並兵刑工三房公地改建區長由警佐兼任十七年改稱公安局警佐改爲公安局長仍兼區長

第二區公所地址在范村鎮舊分防主簿署內

署爲清主簿吳松
創建侯六德作分

防官署記云分防官署者佐令吳君所建也距縣東北五十里許有鎮名曰范村介於山谷之口垣土堡關六門城樓市閣僅馬犂騎歷洋洋乎東七里之大都會也由谷口而東山路崎嶇僅容隻騎歷遼和州邑直達東省徐揚雍豫之貨通焉鎮之內僅貨廩有客寓往來行人未易更僕數且遠於縣而稽察疎上官憂之請於朝議設主簿一員以爲彈壓分轄七里數十餘村此署治之所由來也初任沈公勸輸遲三載而迄無成邑侯王公四畝有奇度爲基址以艱於勸輸遲三載而迄無成邑侯王公復請於憲蒙陞任撫軍雅邁佐誠中之曰是署也報部早有成規矣今究無一木一石之運倘行旬餘日即延七里紳士籌辦先其以此爲先務君曰唯唯下車旬餘日即延七里紳士籌辦先借養廉二百兩以爲倡而一時之踴躍樂輸者逾五百六十金於是擇日興工身親督率上建官宅十楹次大堂三楹附堂左右爲班房東西各三楹南以大門照牆壯其觀又設吏廳以補西缺與東牌坊相望次年又於堂之東捐俸造屋七楹爲門房爲賓館爲書舍下及馬廐廚廁皆俱焉南隅留隙地周以土垣中建一亭額曰獨樂鑿池壘石蒔花種柳小作遊憩觀是役也

肇始於乾隆四十四年臘月越二年告竣舉前令之所難任者君任之如反掌焉此固君之幹敏所致抑亦仁風素著有以動之爾今歲邑侯郭公重修邑志余幸君之莅鎮十餘年比戶得以安堵故不揣固陋而樂爲之記君姓吳氏名松號友梅由忻州尉調補今缺其先世稱望族云

民國四年范村鎮設縣佐八年實行區制區

長由縣佐兼任

第三區公所地址在陽邑鎮大寺

第四區公所地址在北洸村殺坊街公地

第五區公所地址在胡村大寺

社交堂地址在城內南街民國十四年由耶穌教公理會募集欸項並太谷地方協欸共同建築內外一切營造純用西式會場

分上下兩層頗爲寬展凡冠蓋往來開會迎送及各機關各團體開全體大會俱在此間於地方交際極有關係

廟學

文廟在縣治東南宋崇寧三年縣尉李揆建元至元二年達魯花赤忽賽重修二十年縣尹趙敦武大德五年監縣程進義縣尹馮敦武繼修七年地震圯十年監縣忽都魯沙進義縣尹陳嘉祐又修復之明洪武三年更建二十一年主簿蔡仁天順三年參政楊溶成化五年知縣顏敏十九年知縣張鑑相繼增修至嘉靖二年知縣劉奎耀拓爲大成殿五楹前爲月臺繚以石檻

殿左祭器庫二楹右學租倉二楹東廡十五楹西廡十五楹前

戟門三楹翼門東二楹更衣所西二楹齋戒所戟門外左爲名

宦祠三楹右爲鄉賢祠三楹中爲泮池跨飛虹橋其上池四圍

俱以石檻之又前櫺星門三楹門南龍門坊東德配天地坊西

道冠古今坊廟左啟聖祠

今日崇聖宮

由戟門東入正殿三楹東西

廡各三楹龍門坊南神路直達南城廣五丈修四十丈有奇署

縣照磨王瑤買民趙子珍地爲之儒學在文廟西明倫堂在殿

西北尊經閣在殿東北

提學周宣增修儒學記云太谷縣儒學始修於嘉靖癸未九月曆甲申五月工

成舊大成殿北枕明倫堂南臨通衢儉百武以其制之陋不足以隆王祀成裸將也則升殿於堂之址而崇之廣八楹修九楹

蓋視昔之一而倍其二焉前殿爲五楹而南屬於大成門附門之

並墀爲列祀之廡廡爲屋各十有二綽楔署其左右彰一代之崇祀

池之鄉賢名宦二祠翼祠爲更衣所規其前之甬而半之爲泮池

之典示觀嚮也殿右極北爲尊經閣以皮六經列圖史暨我朝

諸制書閣之右爲公廡爲饌堂爲神庖又左爲諸校官廡舍右

爲神器庫直其前爲明倫堂之楹二齋如殿而制殺焉示

尊也堂之下爲寔左右爲進德修業二齋其次爲號房房之楹

各一十九而東以重門嚴出入焉凡庀財七百八十有五緡以

邑諸大姓之樂義者出之役人力三千七百有餘日以遠近民

之食力者充之度羣材九百九十餘木石四百七十有餘尺輒

墀礪鍛之屬稱是林壑之產與民之善藝事者供之爲地廣三

十有五丈修五十三丈有奇學舊地與市近旁民地之隳者在

焉董其役者鄉者民杜子壽相其規者校官韓景憲總其成者

知縣劉奎耀承巡按御史王公意而爲之也灑予以校士往視

馬殿觀山竦閣星煥塔序砥平簷宇翬翔丹雘雲纈而冠裳

濟漆之容絃歌雅頌之音復輝映於芹風桂月之外若不知其

地之介於埃壚間焉於戲盛矣惟是學始創於宋崇寧成於元

至大屢修於我朝洪武永樂成化以來而廓大峻整之規至是
備焉意文化宜蔚固自有期而鼓動嚮往之機亦存乎其人之
昔子產佐鄭鄉校是因文翁守蜀政先文教猶足以揚道風流
于襪而況於衡天子之命專激揚風勵之防者邪公名秀字士
英萊陽士族巡晉一年務持大體嘗屢修臨晉趙城太原祁石
諸州縣儒學此則其事最鉅成最難而迹之尤不容泯者也
是

為記 萬曆二十二年知縣喬允升重修

諸鈇重修儒學記云太谷
居三晉上游乃省會股肱

邑也民庶而富古稱多才近俗好鬪訟人文不宣觀風者憂之
乃簡循良俾任師率萬歷甲午孟津喬侯以高第宏才調自閩

喜蓋舍簡易而就繁難下車以來措施有序決斷公明剪惡植
良飭躬端絕絕情法並施教養兼舉顧瞻學宮歲久傾圮思撤而

新之括帑金三百六十有奇臺不累民請於道府夢山白公允
臺杜公明字趙公轉達撫按見泉魏公在田劉公諸公咸樂與

捐金助成其美檄典史劉君在都教諭趙君宗周訓導張君浩
省榮白縉等專董其事而規畫盡制俾財不虛糜工不怠力喬

侯實綜理之首聖廟次兩廡次櫺星諸門又次啟聖名宦鄉賢
諸祠罔不苞固松密棟宇峻整金碧輝煌有餘復及堂齋號舍

七十餘年敢陋煥然一新至殿宇翼以迴廊墻垣易以磚石臺基益以欄檻宏廠壯麗尤爲從來所未有者經始於甲午夏五月告成於乙未春三月是時余轉撫而南道經其邑見農悅於野商悅於市頌聲盈耳庠生郭允興高士宏輩謁余請紀其事余惟傳公修廟魯人侈爲詩歌而鄰邑有賢令尤所樂安得以不文辭夫國家致治徧海內郡邑皆建學造士翼爲世用祀以吾夫子程以七十子歷代名賢非以仁義中正之道可爲修齊治平法程乎是學校固治道首務而人才所由出也惟不爲作新斯下鮮興起而績效罔聞喬侯履任未期首新學宮暇則羣多士講授考問能作新矣乘此時而不興凡民不如惡足則爲士夫十室之邑必有忠信况庶富多才之邦豈無豪傑奮庸熙載以佐國家之盛者乎然設施必由抱負涵養斯有經綸荀平居無深潛純粹之學而欲他日有光明峻偉之功猶却步而求及前人不可得已多士際此太平必奮發自修日以三綱八目爲徑路四端五典爲基址經書子史爲戶牖周程張朱爲階梯少而趨焉躬而行焉斯可窺孔曾思孟之堂真處則戴仁爲抱義表俗維風爲一鄉之善士達則上行道濟時樹功立業毗天福蒼生爲一代之名臣庶不負在上作新之意不然處安凡近子

出悅紛華其或先身家而後君國與宮牆外望者等耳奚可也
語聖人之徒乎故余既紀侯功復推廣其意以勗多士是役也
前相繼署印本府通判夏君惟勤嵐縣添註典史前兵部職方
清吏司主事趙君夢麟與縣丞溫君繼勛主簿王君九儀典史
黃君廷賢教諭寇君嘉會齋長員應朝玉珂清順治四年知縣
楊登雲白松鶴相與經始樂成例得並書云

羅文達教諭賈道醇訓導郭三重重修康熙七年知縣王樂諫

訓導賀應熊重修

澤州陳廷敬重修文廟碑記云文廟之建蓋以肇明禋祀承羣士於禮也太谷在邑之

異創自宋之崇寧其初一畝之宮耳迄明始擴爲今制數興工
經修除黜聖具載於各龜趺甚詳比年來風雨饕鬄大殿脊獸
坍塌方擬修舉未遑也亡何東廡欹而欲僵西廡半摧爲薪矣
春秋二仲釋奠於蓬蒿礫石中非所以揭虔展禮也至泮池之
甃石欄楯俱入亡何有之鄉止一垣竊爲蟲介之窟宅已爾而
戟門之次諸祠宇闕壁成病昔竄日頽之勢也時廣文賀君進
諸生於庭爰咨維新之策或謂變序之役應責諸章縫者流謀
之邑宰王公公曰否士之素封者幾何間有伏臘行經師修不

給者責以朱提之產烏乎辦乃慨然出橐中俸爲倡以率諸僚屬縉紳博士弟子員登四十一編里之疇人父老賻隨力無蒿蕪次第釐飭始聖堂賢廡廢者修墜者舉竣次興泮池櫺星門照壁諸工皆撤其朽毀經始再泐而名宦鄉賢二祠逮左右甬之兩坊楣繫葺舊而已次啟聖祠視重輕爲先後也又祭器經兵燹散逸茲復簿正修補殘缺考核兩廡先賢之門姓氏里居附錄各木主陰以正譌舛是役也堂屬之堂門屬之門其个相偶其翼相序備矣而內外覲深爽壇而教化聿彰人文宣蔚將已哉蓋俎豆駿奔走之典未墜於地而教化聿彰人文宣蔚將於是焉賴也功崇於戊申三月建辰落成於己酉五月建午所鳩木石陶埴塤繪之屬計其直四百三十金有奇役匠屬三千五百人備保雜作三千五百四十人董厥事者備極勤勩以致大役克底於成其姓名俱鐫諸碑之陰彰其懿美以示勸而捐資者之差等例得並附於後此顛末也恐久而湮弗傳故觀縷拾之而壽諸石王公諱樂諫陝西鄠縣人賀君諱應熊鄉寧人

三十七年知縣包秉奎教諭董志建訓導王之鼎重修五十二

年知縣孔興誥重修

公自記云竊惟文教與天地相終始故辟雍鐘鼓泮水芹藻修禮義教齒讓端士習

正民俗其爲世道人心慮至深遠也自漢唐來學士誦習咸以我先聖夫子爲宗師至有宋而學宮崇祀者徧天下豈不以道

集百王之成而文啟萬世之緒者哉太谷爲晉陽劇邑余以下申來莅茲土方期與邑人士共遵聖教而砥廉隅乃瞻拜之下

周覽殿宇廊廡大都漫漶不鮮至啟聖祠則蓬蒿滿目簷瓦墜垣俱入無何有之鄉矣因不禁慨然興歎曰嗚呼學宮爲興賢

有才之地而凋敝若是是守土者之責也矧余以先聖裔孫而宰是邦顧可聽祖廟之觀瞻不肅而文教不振也乎爰出俸金

而新之自啟聖祠始舊制卑隘余爲高其臺基擴其墀不丹垣墉嗣而正殿而兩廡而大成而櫺星而名宦而鄉賢無不

瞻黜聖煥然改觀矣而省牲所之僅存其基者亦復有周垣房舍云先是櫺星門外照壁中間以瓦砌之內外不蔽易之以磚

然後宮牆美富蘊蓄莫窺又德配天地坊爲文昌廟樂樓所掩僅露一面余令移其櫺星乃得兩坊屹然對峙焉是役也始於癸

巳之四月和聚匠氏備保百餘人分曹並作董其事者書吏郭宏質吳瑞而廣文任君衛君簿核其經費多寡之數凡五月而

告成由是而深遂周密恢宏嚴肅於以春秋釋奠聚諸生而肆習其中循循然彬彬然不以游談相尚而以道義相先漸摩日久當必有履中蹈和如濃洛關閩其人著紹洙泗之心傳作鄉國之儀型羽翼聖輝煌治道輔世長民之功與天地同爲悠久卽余不佞家學淵源亦與有榮施焉爾是爲記

乾隆五年知縣王澤沛九年知縣范

大中相繼增修

知縣向嵐重修儒學碑記云國家建立學宮崇祀聖賢原以培人心扶世道俾凡學者敦實行

而勵實學典至重也辛未秋余承乏是邑甫謁廟見殿宇之巍垣墉之堅緻黝聖丹漆色澤未舊意必有人焉原制而增修

之卽畢步經照墻下見陪兩無字碑始知久欲紀實未竟厥事者噫是有美弗彰與夫一善必錄古之遺軌矧有關於朝廷文

教一邑士風顧爰邀首事赴公鞏卒弗勒石垂不朽其奚以鼓勸人心爲將來勸愛邀首事孝廉孫君諱莊者諡其願末孫君曰

我谷邑學宮肇創於宋崇寧成於元至大疊修於有明迄嘉靖萬歷間堂皇恢廓特甲三晉各載跌龜無庸復贅惟我朝定鼎

以來涵濡白有餘年教化浹洽今復恭逢聖天子臨雍講學重道崇儒於前龍飛之餘五年特諭直省各府州縣補葺興修適王

公諱澤沛者遵例計工首領莊與邑紳士等仰體皇猷胥願一
律重新旋即公額呈請各上憲批允一時聞風踴躍竟溢請額
之外而三倍之用擇吉辰月六日鳩工伊始歷暑兩祁寒董諸
諸君未嘗一日少倦而王公鼓舞玉成功有足多暨甲子夏諸
各殿廡學署工程已幾九仞獨尊經閣草創未備則又幸賴有
嗣政范公委任續修不一歲即獲告竣凡此雖皆恪循舊制而
綱繆盡善直軼前規迨釋菜釋奠用光俎豆云余因聆孫君言
輒細按之厥功肇自五年春報厥成於十一年秋自是人文益
盛或列部曹或侍禁衛或膺侯封其他領鄉薦登甲科鵠起蟬
聯累累不絕况又士知自重益敦器識人競學問不少達才皇
皇巨功可弗壽諸片石且此舉也盛典出自朝廷而歷任倡率
各首領襄贊又誓秉赤心余雖隔任兩員義不得以時過境遷
竟置旌善不事抑更有說重珍至寶每幾經磨折沉鬱始顯其
光茲一碑耳閱物態之變遷人情之渙散復留其石以待余則
表揚善類亦若有候存焉行見貞珉既勒並勳
將來余故爲歷事者贈以四字曰不可磨滅

五十五年知縣

顧售重修又建碑亭於泮池東西凡歷年修廟碑記悉移置焉

邑進士任琚重修儒學校碑記云事生於人心之同然而可以
教化厚風俗者莫如學校之設故有事於學宮其事易集而功
易成此適值留心學校培植人才我邑侯顧公於下車之初即
接踵也適值留心學校培植人才我邑侯顧公於下車之初即
存此意祇以工程浩大首事者難得其人是未敢輕動然而
此念未嘗一日忘也今者闔邑縉紳善體公意倡爲義舉捐資
勉力惟恐後時亦可以見人心之有同然而學校之鼓舞乎人
心者更非偶也先是乾隆五年曾經修葺於今已五十載矣乎人
代久遠頽頽理宜然也不待言而因時起義亦有未盡洽乎人
者增而補之理宜然也不待言而因時起義亦有未盡洽乎人
飾之極其鞏固且加美焉至如崇聖祠東西廡戟門櫺星門以
及道德諸坊皆煥然改觀無不完善若夫明倫堂之宜於爽門
軒豁也則高移置於此或因許又特建碑亭於泮池之東西凡
廟中碑志悉移置於此或因許又特建碑亭於泮池之東西凡
用不下數千金而成功若學校之速其爲邑侯之信孚首事之踴
躍何如哉然余竊有感焉學校之設可以敦教化而厚風俗原
不專爲科第設而一邑之科第未嘗不因之爲盛衰谷邑自國
朝以來科第豈云不盛抑亦願士之與是選者咸思學校中所

以植眞品而彰實用者端自有在則所以仰副邑侯廣勵士子之心而期共趨於聖賢之域者豈以僅登科目爲榮已哉余學未得有年已就衰所以勉不憚祈步諸君子之後塵以庶幾無負賢侯之意雖富饒曠曠在望而未敢少忘焉耳時諸同志商叙修葺之始未於余義不容辭爰述

道光十五年知縣孫銜

重修

之公自記云郡邑立至聖先師廟所以明聖學崇聖道風教之本於是焉在其於吏治似緩而實急者也太谷文潮自

乾隆五十五年重修後歷四十年歲庚寅銜釋褐宰太谷每朔望謁廟見東西廡忠孝祠漸就傾圮而大成殿亦形剝蝕教諭衛君選怒焉憂之乃與銜捐俸爲邑人士倡邑人士踴躍輸不勞而集爰命國學生白澄等董其事而衛君總司之舊者新之傾者易之經始於乙未之三月落成於丙申之九月計用銀八千八百三十六兩七錢八分而忠孝祠則壬辰歲先事修理焉莊嚴堅固巍然煥然庶幾邑人士瞻仰宮墻共知聖學明而後聖道立有非異端邪說所能惑者其於風俗人心詎小補哉

光緒二年知縣張貽瑄重修

儒學在文廟西明倫堂五楹堂後敬一亭五楹亭前西廳三楹堂

前東進德齋五楹西修業齋五楹東西號房各一十九楹

已廢儀

門三楹門左省牲所三楹門右神厨三楹大門三楹堂之左殿

之後東西齋爲教諭訓導二署

今爲兩女校

左爲射圃亭

已廢

清順治

四年知縣羅雲達教諭賈道醇重修後神厨漸圯雍正二年知

縣司馬灝文重修以明倫堂西廳爲忠孝祠以東廳爲神厨乾

隆五十一年訓導郭鑑重修敬一亭五十五年知縣顧售重修

明倫堂增高四尺有奇改進德齋爲經義廳修業齋爲治事廳

五十七年教諭崔敏第重修尊經閣暨東齋修道堂嘉慶九年

訓導馮攀桂修西齋內宅增飾明倫堂經義治事廳大門儀門
移照墻於道南道光十七年教諭衛君選訓導李悅因修文廟
餘貲重葺儒學凡內外齋室概加完治省牲所內建南房四楹
過道房二楹北房二楹西房一楹門北向顏曰近居書院准諸
生有品學者僦居教讀三十年知縣萬金鏞改明倫堂東神厨
爲牛公祠移神厨於堂西光緒二年教諭趙士達訓導籍文學
以修文廟餘資重修明倫堂及經義治事二廳並學宮俱加修
葺

鳳山書院舊在縣西門內明嘉靖九年建後廢清雍正元年知縣

司馬灝文假文昌宮地開繁穰書院乾隆二十一年知縣呂崇

謚即縣治東察院廢址改建仍顏曰鳳山書院內構大門三楹

二門一楹講堂五楹東西廂房各五楹堂後正房五楹東西廂

房亦各五楹庖厨井廐畢備

崇謚自作碑記云天下事之成敗遲速莫不有時當寬然有為之日

或欲為之而不得及得為且為之幸底於成矣而或不能身與其間以暢發其素志之所欲觀鳳山書院益令人寄慨焉余壬

申仲冬謁選令太谷至則覽山川而按形勝見其南枕鳳山之秀復有鳥馬象峪諸河為之襟帶其風氣則教龐其人物則樓

直而文章爾雅之士復彬彬蔚起其建立則浮圖寺觀之壯麗所在林立唯義學湫隘不足以容生徒竊心賞其風土習俗之

美而病其輕重之未權也既適與諸生講學會課諸生不以余為迂而相得其權願每課則寄跡於文昌宮至期又或牽於案

牘不過一至其地以與諸生晤談於杯茗間意往往未畢及然得暇暑而諸生又皆散處村落不能萃聚以圖一會每懷歎然

癸酉仲春因與邑紳士議建書院於察院廢基俾諸生肄業其地而余亦得時相過從以與上下其議論邑紳士咸以爲然是日余首出俸金以倡而踴躍以捐者逾千金蓋人心之好義也若是苟沿是而竟其事卽庀材鳩工何難計月觀成願或以爲遷遠不切也阻之遂中輟甲戌冬復申前議嗣捐者又得銀千餘金余復有地方之歸公者佐之而書院之修至是始決其創始之難如此爰是度工於乙亥之三月越丙子八月終落成焉而余適以病告休矣向使始議無阻則余與諸生揖讓於其間久矣乃遲至於今始有克告竣而適會余病休時則余之不獲與諸君子周旋講習以有此樂也殆有數存其間歟抑余又有望焉夫書院之建非以博浮名飾觀美也又非徒爲獵取富貴利達之地也必得篤行好古之儒爲之師日以明體達用之學相課督將以之進取則挾持有具卽使老於畎畝而經明行修蓋亦鄉邦之望也以視夫剽竊記誦之學奚啻霄壤哉是則行修所率率於茲而以興起斯文焉已任則文教之昌將於是乎任余雖退處僻壤能勿頌明德而快然於心乎是役也計費銀二千六百餘兩已輸之金不足又貸三百金以濟之至董理厥工成茲

盛舉皆賴諸紳士二十六年知縣高繼允率紳士捐銀一千二
終始經紀之力云

百兩四十二年知縣單燾率紳士續捐銀二千二百兩有奇前

後交商徵息以給束脩膏火之資

高繼允捐置膏火碑記云陽
邑舊有鳳山書院明嘉靖九

年建於縣治西偏歷久傾廢前邑令呂公莅止慨然有振興學
校之志度署左察院廢址廣袤若干畝庀材鳩工經營堂構不

逾年而落成適呂公以病告休規模初就而肄業之事未遑也
己卯春余捧檄來太谷臨莅書院見其堂室巍煥棟宇聿新然

惜其不能招集生徒日夕獎勵久將荒為茂草矣遂捐俸延師
諸生頗翕然趨就然終非經久計逾三年因延邑中紳士謀給

諸生膏火以示鼓勵之意一時衆議僉同踴躍捐者逾千金自
此諸生按月少有所給於余懷藉慰焉夫學校不修佻達在城

闕官茲土者之過也若字舍振興又復選師儒給餼凡鼓篋
其中者必篤志講明正學庶幾人材有實用而風化之美亦於

此規焉邑雅稱文獻藪諸生頗自奮勵飽食而嬉吾知其免
第恐羣然讀聖賢書以文章為竊取功名之路則終不足以見

其根柢所以崇實去浮用額以志譁譁諸生勉乎哉之區而書
子右文數教黨庠家塾比郡相望以陽邑人文蔚起之方今聖
院之建尙待遲之又久可知盛衰興廢有數存焉余雖未嘗與
始謀竊賴呂公導之夫先路用以贊其成倘後茲土者相沿
勿替將人材輩出可觀文教之成矣至於膏火之捐力有厚薄
俱列之碑陰以見邑人勇於從義焉○單燻續捐膏火碑記云
鳳山書院之建前自前令呂君甫落成謝病去高君繼之萃邑
中英俊才延師講習其中所以造士以襄文明之治意良厚也
維時雖設有經費然每歲所得不敷數院一堂修脯資而士子之
供膳闕如以故諸生聚散無常不能萃處一堂朝夕親炙共砥
礪夫身心性命之學而發爲文章亦鮮有根柢是兩君之美舉
不無未竟之憾矣余蒞任後察其故慨然曰士固謀道不謀食
然枵腹而談詩書其何以自立爰首捐廉爲倡紳士等咸踴躍
樂輸共勳義舉得金二千二百一十兩仍依前交肆市行息得
子金爲夫子膏火之需並立定規條詳明各憲庶可永無匱乏
之患焉夫因已成之規而廣其未備詎敢云有神文教顧士幸
生盛世沐菁莪械槩之化得名師爲啟迪更無薪水之累榮其
心有志者必爭自濯磨爲鉅儒爲鼎臣以不負無求安飽之素

志則余之殷殷籌畫或可告無忝
於二君焉是所拭目而望者爾
五十七年知縣郭晉於正房

旁增建東廂房二楹嘉慶二十二年知縣陳履和重修

自序云
陽邑土

木之工亟宜興者二曰城垣曰書院先其易者則自書院始書
院自明中葉遷廢不常我朝乾隆二十年知縣呂公崇謚乃擇

地重建至今六十年而堂廡半圯矣嘉慶二十一年冬十有一
月庚午余作吏茲邑受印於院忽憶我少年讀書時風雨數椽

心怍怍久之越數日與儒學家捷山先生董辛齋先生語及興
修意諸生亦有以此來請者顧余匆匆未有暇抑又慮經費之

無所出也兩先生曰是不難夫成天下事心與力而已邑多世
家鉅族不可謂無力又皆急公好義不可謂無心然而書院久

不修者莫爲之倡也是故心與力兼有而又必濟之以得爲之
時可爲之勢夫登高而招執有不來順風而呼執有不應是則

宰斯土者所當從事矣余懼然曰信如是也豈惟可以修堂廡
並將與同志諸君增置膏火爲可久之計俾吾陽邑多士

相與講學於此進德修業於此熙朝俊乂物望攸歸齊民表率
風聲丕樹書院之修豈特爲討論文藝之地而已哉敢出俸廉

爲闔邑諸生倡而先爲之序以質於捷山辛齋兩先生易博有
言同聲相應同氣相求記又曰合志同方營道同術邑多君子
必有不河漢余言起而相應者矣書院之役董事諸君久伐石
以待余記工未竣而余行不能記也他日歲事自有大君子鴻
篇鉅製茲書前序**道光三年縣紳溫承惠白諳等復捐膏火銀**

千三兩

廉敬續捐膏火碑記云天下之治在賢才人文之興由
教化書院者育才之地卽致治之原也方今文治光昭

崇儒重道書院之設有廢必興凡所以鼓舞振作爲國家培養
士氣非徒博浮名飾美觀也太原府太谷縣治西偏舊有鳳山

書院建於明嘉靖九年歷久傾廢我朝乾隆十九年知太谷縣
事呂公崇謚興復之改建於察院廢基俾諸生肄業其中嗣是

時修時廢興替無常嘉慶二十三年邑人募捐重修堂室書舍
亦云備矣顧經費所入尙不敷束修膏火資每達課期士子之

薪水闕如越明年邑賢達溫景僑先生倡爲義舉與紳士白諳
等經營籌畫共續捐銀三千金於是小課膏火以及大課供給

各費用胥有所出夫慷慨樂捐爭先恐後者邑紳士之力也敦
教化厚風俗爲朝廷收人才之用者旬宣之職也予奉天子命

承乏是邦數宣懿教興起斯文與有責焉爰捐俸百金以勸厥成且將續捐之項飭太谷令發商生理以期資息不竭非敢謂善與人同亦聊盡道之以德之義耳第恐官爲經理輾轉交替難以持久爰允紳士之請爲之限立條規俾院中號舍不得假託吏役以爲來往充公之所其主講者聽紳士公議聘請不由官薦以致有名無實庶幾學有常師居有常所食有常餼而文風且蒸蒸日上也抑予更有望焉士人以千秋爲業不可妄自菲薄今者爲學有基事可經久矣朝夕誦習於其間者豈惟是嫻文章取科名而已必也取法聖賢剖晰義利孝弟忠信修之於身而於天地人物禮樂兵刑食貨之書無不博習詳覽體立而用以無負聖天子作人之化而予亦得自附於以人事君之義是則所深望也夫是爲記

十八年縣紳孟

建春等復捐膏火錢一萬緡銀九百兩咸豐元年知縣萬金鏞

於大門內隙地構考棚二十楹同治十二年知縣張元鼎會同

縣紳白紳書等重修光緒三年知縣張貽瑄增詩賦課倡捐銀

五百兩縣紳孟傳薪等復捐銀二千二百五十兩增修西偏院
西庭五間光緒二十八年知縣洪縉奉文改書院爲學堂三十
年將舊日考棚改建齋舍民國三年購買校東民宅添建齋舍
四十間教室五楹闢大操場一所別開一便門顏曰鳳山別墅
碑亭

碑亭在南關外汽車路北民國十年闔邑紳商學界街村長副集
資公建亭內雙碑並峙一安公德政碑邑人孫丕基撰文一安

公德教碑邑人胡萬凝撰文

德政碑記云歲庚申晉饑秋禾不登余奉都督閻公檄委籌賑局

參議同事諸人募公債捐富商紛紛議起余屢駁之良以本地資財解交府憲及至賑米批發到縣饑民已不待而斃且弊竇

百出光緒初荒祲張瑤卿大令冒賑覆轍可鑑也時知吾谷事者爲僑乙安公公爲疇人翼聖先生裔余友宋紫垣君門下士紫垣與余同遊李菊圃先生門故於公之未來襄事也已知有幹濟才查賑之初公先訪各村送遊痞入工賑局又集資富紳開粥廠散賑米一時嗷嗷待哺者胥賴以生而城市村墟亦免盜賊之充斥饑民之嘯聚及至查賑委員到境雖百計刁難而公氣不爲之撓蓋於先事親身踏看填造荒田饑民口册不溢不漏而上憲之放賑西人之救濟且適爲春賑之後援焉余以議賑畢旋里謁公公之言曰救荒無善策採運平糶既苦於鄰封災較無可涸注不得已則以本地錢米資本地用而施粥於貧民易至擁擠散米則役夫或有侵冒現粥廠分三處米則責成各村長余且逐日輪查並擇其老稚無衣絮者爲之裝棉茲幸鄉父老或釀財或助力以藏厥事使余得告無罪於地方者鄉父老之力也噫相機於先則無張皇制變於後則不竭蹶既事而成功不居謙卑自牧公蓋勇而智者也是役也計集資二萬四千四百五十六圓先後放倉穀三千一百六十八石四斗一有奇賑糧三千一百五石三斗有奇京省賑務處糧四百九十五石四斗美公理會賑米三百五十五石早災救濟會賑米九十五

千七百七十三石四斗有奇棉衣八百件活饑民二萬六千四百七十七口鄉父老不忘公之德也爰泚筆以誌之若謂丕基以此諛公也丕基固負彈劾官吏之責者且賦性不諛人富亦爲鄉父老所深信也夫○德教碑記云吾鄉盛時風淳俗厚士究實學以文藝成名者代不乏人於時并境文風首推此邦而書院之設在前清乾隆間其制每月邑宰有課山之資而入院肄業者遂日以衆文風亦漸以起焉者既得爲後進之楷模余名而去其次亦類皆端謹自愛教授鄉里足爲後進之楷模余生也晚雖未得與昔時人文之盛而先進之流風餘韻於吾身猶及見之也清季科舉廢學校興月課停止學者遂趨於科學一途改革以來科學日繁文學日弛肄業於學校者半屬童稚文字益卑卑無足觀不特昔時髦士蒸蔚之盛不可復覩即吾身猶及見之者亦不可得有有心人徒付諸一歎而已共和七年安公僑乙來長是邦下車伊始即以振興學校爲當務之急凡甄別教員整頓學校諸要務次第舉行不二年或別立新校或酌加新班井然有條而公猶歛然於文藝之衰復於學校年

季考外增設月課招集高小暨國民學校肄業諸生命題考
略做前清書院舊規籌款以獎其優者既足鼓勵諸生使知趨
嚮且藉以考察各教員教授之良否以為黜陟用舍之權衡而
吾鄉當斯文絕續之交得此又可漸復昔時舊觀誠一舉而數
善備焉學界同人不忍沒公之美而囑凝以文凝濫竿教職稔
知其實故勉為識之匪獨慰同人之心將使後之更茲土者繼
公之志以延教澤於無窮則公之此舉又豈僅區區一時之惠而已乎

坊表

東嶽行祠坊

在縣治後

文昌司命坊

在儒學東

進士坊二

一在南街為陳璧立一在東街為趙體敬立今俱廢

解元坊三

一為解元白珩立一為解元劉昇立一為解元劉觀立

鯤化天池坊 爲舉人
牛本立

經元坊 爲舉人
楊聚立

高折天香坊 爲舉人
胡璉立

登雲坊 爲舉人
胡諒楊鐸廉立

步元坊 爲舉人
楊純立

奪錦坊 爲舉人
胡聰立

雙鳳坊 爲舉人
趙琇楊璞立

榮耀坊 爲舉人
李觀立

觀光坊 爲舉人
白靖立

登瀛坊

爲舉人
韓瑛立

折桂坊

爲舉人
游盛立

經亞坊

爲舉人
文泰立 田

騰蛟起鳳坊

在南街爲舉人
陳璧立今廢

彩鳳凌雲坊

在小南街爲舉人
人武瓚立今廢

世科坊

在南街爲舉人
陳人道立今廢

勅封坊

在南街爲封行人
司副陳通立今廢

司馬第坊

在東街爲贈兵部
主事趙清立今廢

秋官兵憲坊

在南街爲副使
陳璧立今廢

豸繡坊

在小南街爲御史成守節立今廢

肅儀坊

爲鴻臚寺序班武毅立

贊憲坊

爲都察院照磨白清立

鴻臚坊

在南街爲鴻臚寺序班王弼立今廢

狀元坊

爲武狀元安國立

錦衣坊

爲錦衣衛千戶鄭俊立

疏淪坊

在水門左

義民坊

在侯城鎮爲義民郝銘立

勅封坊

爲義民杜宏付立

積善坊

在范村爲義
官范朝尹立

孝義坊

在陽邑村
爲楊鈇立

重宴鹿鳴坊

在北副井村康熙甲午舉人辛丑進
士乾隆甲午重宴鹿鳴杜先瀛立

進士坊

在南門外楊家莊咸
豐九年爲闕教本建

貞節坊

在李滿莊爲郭
瓚妻郝氏立

止水同高坊

在田喬村爲侯化龍妻
李氏等十三貞女立

節孝坊

在大方巷爲程
瓚妻孟氏立

節孝坊

在南街爲李恭
妻楊氏立今廢

節孝坊

在東寺園爲孟
敏妻吳氏立

節孝坊

在戴村爲買明
鎰妻崔氏立

節孝坊

在陽邑村爲杜
大夏妻呂氏立

節孝坊

在賈家堡爲高
永年妻胡氏立

節孝坊

在北洗村爲曹
士父妻郭氏立

貞壽坊

在郭村爲張爾
胡氏百有三歲立

節孝坊

在溝子村爲員
嬖妻楊氏立

孝婦坊

在教坊爲溫體
中妻孟氏立

節孝坊

在李滿莊爲郭
步瀛妻杜氏立

節孝坊

在石畝村爲侯
守中妻李氏立

節孝坊

在下谷村爲李
敬官妻郝氏立

節孝坊

在侯城鎮爲郝
元震妾武氏立

節孝坊

在侯城鎮爲程
凌妻孟氏立

節孝坊

在任村爲賈天
佑妻任氏立

節孝坊

在董村爲高德
義繼妻董氏立

節孝坊

在任村爲賈大
雅妻胡氏立

節孝坊

在任村爲郭慶
元妻杜氏立

百歲坊

在北街爲孔智英妻
李氏百有二歲立

太谷縣志卷七

古蹟

居今稽古賴有紀載邑境雖小而歷年既久其故址遺跡芳徽勝槩亦有可彙錄以資考核者陽邑自處父受封距今二千餘年其間若城堡宮府之建置壇廟寺觀之紀述與夫金石之流傳塚墓之兆域或以興景仰之思或可訂傳聞之誤爰遐稽博采次第臚陳聊備稽古者之考核焉

城堡宮府

長城在縣東南八十里馬嶺上翰墨全書堯遭洪水命伯鯀築堤

以障之非秦長城也唐地理志太谷縣長城自平城至魯口沿

山屈曲延三百里貞觀元年廢宋乾德初昭義節度使李繼勳

擒北漢將莫鮑叔於此

按禹貢既修太原至於岳陽縣堤在太原者禹嘗修之陽於古時亦太原境則

縣之致功可知

箕城在縣東三十五里商時紂封箕子於此

按府志太谷縣箕城箕子故封也

左

傳魯僖公三十三年晉敗狄於箕杜預註太原陽邑縣南有箕

城

按左傳呂相絕秦云焚我箕部顧炎武以爲邊河之邑然考通志祁縣高城村即古部城基址尙存則部在晉腹地未嘗

邊河箕部同被焚掠相距自必不遠以祁谷接壤而論箕城疑即箕部之箕意當時秦師伐晉嘗深入至此歟又昭公二十三年

年晉館魯叔孫婁於箕未知即此箕否附此俟考

古陽邑城在縣東二十里春秋時晉大夫陽處父食邑秦漢時爲

縣治北周建德六年西徙故治遂廢城址微存

按通志王志俱云北周建德四

年徙今治考北史周武帝建德四年并州猶屬北齊至五年擒高延宗平并州陽邑乃屬周若云徙邑在周建德四年當云北

齊武平六年不應繫之周也通志王志均誤當是建德六年滅齊以後乃有改邑之事耳古城舊名王班堡內有九級浮圖今

廢城西二里有郭里村相傳爲舊縣之西關

趙簡子溝在縣東十里石象村東

王良道在縣東十里

爲肇開村通西杏林村路

道寬平相傳爲良御車處

副井城在縣西南五里副井村側周二里舊傳戰國時趙屯戍兵

於此今廢

按陽在戰國時本趙腹邑自惠文王十一年秦拔梗陽孝成王十八年秦取榆次等三十七城悼襄王二

十年秦拔晉陽邑遂邊秦築城置戍意在惠文孝成悼襄之世歟

咸陽城在縣南十里咸陽村周四百五十步舊傳秦伐趙所築戍以咸陽之兵今廢

洛漠城在縣西北十里洛漠村周八里城壕記秦王翦伐趙所築

寰宇記謂之蘿蘿亭今廢

按洛漠通志作六門或作鹿門土人又呼爲洛母村

穰人城在縣東北二十九里今廢

按王高郭舊志據方輿圖載入並云不知其所自始考新莽嘗

改陽邑曰繁穰意城之築或卽在莽時歟

武村堡在縣東北七里南臨烏馬河四面石壁相傳唐初置戍於

此今廢

按舊志村爲元時高元帥福故里

故太州唐地理志武德三年以太谷祁置太州六年廢

凝靜府在縣治東神霄宮西唐貞觀中建當時府兵所居今廢

按唐

地理志太原府有府十八凝靜其一也

萬年頓在縣西北十里洛漠村舊名龍泉頓今廢

晉陽記唐玄宗開元十年幸太

原次龍泉頓北都留守杜暹奏曰龍泉地主姓唐名萬年字表天長頓符國號請改爲萬年頓帝從之按唐書玄宗紀開元

十一年幸并州改并州爲北都開元十年並無幸太原事晉陽記誤

永豐頓在縣西北十里洛漠村唐玄宗幸太原時置金大定中改

爲登豐今廢

青城宮在縣西北十里洛漠村唐玄宗幸太原時建今廢

清江寧舉人涂

逢豫作青城賦其辭曰臨淄定策興慶呈瑞除逆亂於宮闈
靖妖氛於宇彗霧捲烟銷日華天翠五雲呈丹陛之輝九野沐
流膏之被於是海宇再清秦階重構泉好時邁常聞供頓輻輳
都而幸望春封泰山而禪社首體泉好時飾大輅以追遊太白
宜輿下邳有興泰長春之巡狩若夫車駕廻旋於澤潞官僚從
祀於橫汾改飛龍之舊額名北都而重新實則開元之十有一
年也於時幸太原駐六龍煥參井之星分覽佳氣之鬱葱乃置
永豐之頓爰立青城之宮做大明於禁苑象太極之崇嶺較蓬
萊而增麗擬瓊岳而攸同閨館崇臺環如列宿周廬微道儼若
千重內則紫殿清陰重軒昭曠雕玉爲楹削屏如嶂旣爛朗以
舒光復杳窈而離狀珊瑚火齊錯落環連翠羽明珠紛披混濛
佳名是錫擬蜀郡之仙山流水如年惑晉祠之清漲富夫姚宋
猶存曲江未老焚珍繡於庭前採珠於遠道賜醮聯湛露之
歡減膳致桑林之禱夫龍曼衍未雜風塵舞馬門雞漸隨羽葆
持盈戒滿名臣方慮夫倦勤喬岳翁河萬方猶頌夫熙皞未幾
而驢山賜浴太液生波曲舞霓裳按笙歌於天上情深鈿合祝
牛女於銀河勸政樓前早朝已廢華清宮裏春睡偏多晉嶺合祝

封無復金輿更駕離宮門鎖難望玉輦重過此曲奏連昌有
竹風桃之感而聲吞江畔啟新蒲細柳之歌也無何而軋星
凶漁陽奔蹙視昔日之次汾陰祠后土迴旌於鳳蔚之山駐
塵六飛奔蹙視昔日之次汾陰祠后土迴旌於鳳蔚之山駐
於象河之濟鳴麗闕之華鐘振龍樓之繼鼓棗蘭房清歌
舞無不同敗葉以飄風似驚沙而隨雨故宮遺墜網戶蛛
道草長瓊堦生苔埋鈿砌月冷雕甍凄迷夜鐸激楚風箏
知繁華哀豔升沈難測驅羸馬以遄征撫禾黍而太息尋
而不見望明光而難即惟有樵夫牧豎謳吟而上下與夫青
白雲縹緲乎其側歌曰昔年宮殿化為墟滿目山川劫燒餘
郭含烟楊花無數顧望長懷昔人何處流水杳然振衣而去

妬女祠在縣西北十里洛漠村

俗名落母廟

相傳神爲介之推妹唐玄

宗幸太原過此爲立廟焉旁有龍泉祠

按元好問承天鎮懸泉詩註俗傳之推焚死其

妹恥兄要君積薪自焚號曰妬女

白塔村即今縣治

陽邑城於北齊時西徙白塔村仍存陽邑舊名至隋始改名太谷歷唐宋元明人文漸盛紀載

亦漸夥延及清乾嘉間爲太谷極盛時三代觀雲南郭上林盧橘

甘泉玉樹以爲生非其壤出非其所於辭易爲藻飾故山川

郭稽之地圖鳥獸草木驗之方志風謠歌舞各附其俗魁梧長

者莫非其舊太冲蓋直以賦爲志者也課虛者易巧徵實者難

工班固以爲古冲蓋流太冲以爲賦其所見各有當焉耳今年

春邑人纂輯志乘余因得逐門校閱簿書之暇綜括其事而爲

辭蓋亦歸諸訓詁之義其辭曰有東南賓問於陽邑主人曰蓋

聞唐冀虞并夏商纘錄維蒼姬之膺圖大封桐而展玉晉則處
父食采漢則馮勛建國越六朝以至隋迺改邑曰太谷說者謂
太行之支條蓋千餘里而透迤以相續也分合於三唐椒擾於
三人民蕭條村郭罕完維我國家深仁廣澤薄海內外載歌載
絃茲邑之衆相與沐浴浴聖化者百數十年而於今稱富庶焉
子攬其風土有日矣蓋爲賦之以著於篇主人曰唯唯邑之分
星實維參井襟遼和而帶祁背徐榆以面沁其山則有鳳山嵯

峨撐雲匿景蘆峯堵之三峯建招提於絕頂鼓兩翼以高翔儼
鸞運乎南溟雪峯孤矗互寒凝陰片石特立巒岌礪碣界八賦

而環大塔對恤張之遙岑白壁灰泉石馬藥伯陟松嶺與磨
羌取徑乎奄谷八卦陰闔而陽開咸陽岡迴而路復其水則有

城南鳥馬象水秋波龍泉靈液乳溜陽阿緒三池於山半比飲
酎之醇和游士聞之而蠟屐詞人對之而興歌疆場之廣厥土

上上芳隰綺交繡陸雲曠春鍾既興溝渠相望其城郭也崇墉
嶽業周以重門經始於建德之歲繼葺於景泰之元雖戎馬之

拍攘爛杯築以固藩睥睨雉列樓櫓鴻軒西北登眺於夕景東
南賓麗於陽曦凡以待熙朝之管鍵浹衆心以盛民是以積潦

無驚占異占離樓熙熙參得而咸宜也廨舍之設與城並而
溯後周而暨今制日闢而宏敞厥地維中厥壇則爽敞大觀而

遐矚攬殷繁於指掌其中則街衢交錯衡宇駢連百貨所集列
爲肆廛行者不得顧御者不得旋機貝璫璨錦綺爛漏阜雍通

豫屯幽集燕吳越之所炫耀交益之所懋遷猗頓之所鈔蓄波
斯之所未爛以時而至充塞乎其間寶曰懋哉川融而山結蓄

甘而土肥觀郭隍之業業視堂宇之巍巍與夫閭閻居積之繁
穰所聞於此者庶幾乎主人曰未也今夫見葉竹者知淇澳見

版屋者識秦風鑿茲土之所產紛黍麥其最豐稷稻則侯城之
野菽粟惟厥土之同果美林檎龍門斯毓葡萄甘漿回馬之谷
考逸事於羣芳特擅名乎秋菊茲蓋里人所艷稱三晉未能以
比躅其木則榆柳桑槐楸松栢其草則荻葦蒲藍薜荔苜蓿
載飛載翔厥類逾百時有鸛鷗亦有屬玉獸則玄兔秋肥白狼
冬伏其餘惟所恒畜至於聲有高下氣有緩急風自上而移俗
自下而習漢有經術之譽隋有循理之稱力勤者用自積土厚
者氣自淳機杼軋軋燈火熒熒窮簷委巷書聲比鄰於是橫舍
莘莘飾以崇祀鳳山之建隆於前朝俄阜比之撤席迷舊址於
世增飾以崇祀鳳山之建隆於前朝俄阜比之撤席迷舊址於
蓬蒿纒嘉名而媿岳麓實前呂而後高焚膏繼晷懷鉛握槩之
彥矻矻孜孜此焉不倦壁魚傳繪事之祥鳴鹿紛秋風之宴藻
采葩流翁然風變祀典所著壇廟有司以祈暘雨居人或薦體
於秋冬義式乎祭法儀定於秩宗有司以祈暘雨居人或薦體
豐更有載毫遷桐宰衡一德狐趙襄貞觀英鄂朔始莫詳君
臣配食冕旒冠劍之鏘鏘偉容觀而崇法飾與夫紺宇琳宮輝
煌金碧殆不能以紀極也古蹟則堤從伯蘇之芳咸陽溝名趙
簡道說王良免胄記箕城之古戰遺墟留草色之芳咸陽溝名趙

疑之號青陵襲誤在洛漢之鄉兼武村與凝靜並徵信於初唐吳塚傳
寒山錄之集古而可據英英隸書特善辭長記室武捷沙苑探信
美盍俯仰於名賢僧儁英英隸書特善辭長記室武捷沙苑探信
雨粟之遙源啟周文於釋奠前稱杜母後稱杜父巷諺衢謠政
績斯著卓哉武君洊歷臺部廣漢翁歸曷足比數太邱清介德
頌荆襄容駟方于埋輪擬網天水岳立操勳冰霜流愷梯乎千
葉洵靡憇於循良刻篆雕文規行矩止名耀儒林篤行之子論
核乎典墳辭協乎宮徵響欲和乎墳篋事無慚乎岵岵揚之則
賈馬淵雲姜肱季偉之徒所不能擬者蓋不可殫紀若夫丸熊
畫荻截髮磨笄竹帛載揚於盛典柏舟矢詠於風詩篇連牘累
爲銘爲碑仰同高乎止水樹綽楔於通達斯尤一門之獨冠允
躋巾幗於鬚眉且夫動莫炳於旂常事莫危於鋒鏑慘莫深於
橫草義莫烈於裹革孤忠留絕徽之魂沛澤降九重之恤並執
戈之汪錡亦軀捐而理得蓋惟聲教纓曳組冠蓋蟬聯肩交轂
之一隅咸知自奮於簡冊也至若影纓曳組冠蓋蟬聯肩交轂
集墳周溢閭瀛畝蒸蒸家給人言未及終賓避席而起曰盛哉
車之戾止固蔚然其在目主及終賓避席而起曰盛哉

蘭台令所謂士食舊德之名氏農服先疇之畎畝商循族氏之所鬻工用高曾之規矩粲乎隱隱各得其所者斯之謂乎主人

曰此其大略也稽舊典考新制搜前聞集逸事盡詳言之以著於志

夕陽村在縣東十里今名朝陽村即唐時夕陽村也

劉知遠菜園在縣北十五里白村其地多石井相傳即後漢之遺

菜園俗名侯家園石井現尚有二十餘眼

桑梓寨在縣東北十三里桑子村

元太祖癸未年河北路都元帥哈喇拔都破金將馬武京於此

鳳洲亭在縣南十二里鳳凰山下亭前引耐泉為池中植菱荷今

廢移額於山上之官廳以存其名道光七年里民重修耐泉諸

勝別構四明亭於聖母池中以為納涼之所

邑進士武蔚文為文記之其辭曰泉

非耐以耐名美泉也耐泉非山山以耐泉名美泉及山因並及寺也山美
矣山美矣寺美矣湯湯者可以長煥也胡爲乎而疏之而築之而塗也
煌者金碧而莊嚴可以長煥也胡爲乎而疏之而築之而塗也
而更新之也曰時與勢爲之也其時與勢奈何曰物有興必有
廢廢極必興也夫耐泉寺之興久矣稽之邑乘山下有隆道宮
創自金皇統元年而於寺無考焉其寺僧舊篋中揀得一紙具
云廟燬於唐嗣爲白將軍所據立家祠宋政和間始復之改額
曰隆道觀居黃冠一修於延祐五年再修於明洪武十六年則
與邑乘所載異我朝康熙三十八年羽士素存募化重修鄉先
生孫雲襄爲之引臚載其詳某某爲三皇殿某某爲三清殿某
某爲三元宮盡官廟其文存舊篋中余嘗訪諸故老猶約畧記
憶欲指其遺址而不可得蓋百餘年於茲矣乾隆四十二年邑
侯單公倡議重修集城鄉紳士董其事於四十六年告成佛殿
宏廠而隆道宮猶未復也至是始易觀爲寺以僧守之而耐泉
寺之名始著繼自今幾六十年漸就傾圮道光五年秋佛殿簷
爲風雨撤去寺僧急延衆檀越請葺之衆皆有難色慮其工之
鉅而費不貲也時族叔親光先兄化興揚言於衆曰事豈在難

哉亦爭乎力耳衆皆踴躍復商於在城諸紳士亦樂襄此舉之具
白之官邑侯彭公署曰可繼任劉公甫下車首輪廉俸以爲之
倡衆心益奮協力捐貲共募得數千金庀材鳩工自丙戌以迄
丙申而厥工告竣佛殿前復明廳其下爲基三成依巖爲壁迄
社房各三楹由兩掖折而下中塘建韋陀閣左右爲兩廡降自
中階東西爲天王殿正北開山門直趨數十級地勢始平矯首自
望之層巒飛閣翼如也周圍繚以垣垣外耐泉出焉滙爲池舊
淤淺浚而深之拓南岸數丈墾以石中央起四明亭昔之所謂
鳳洲者今始復焉南北通石橋岸旁植榆柳不下百餘株爲遊
人憩息之所其餘若官廳僧舍等莫不翦荒蕪而繕治之缺者
補隘者充願者飾而諸秀美畢集落成之日大衆讌集於此俯仰
左右顧而樂之含清挹秀五光十色非此泉此山何以名非此
山此寺何以名非此舉則泉與山與寺之名之美又烏乎其
也哉每當春夏之交遊人羣集爭先覩之爲快撫今追昔相與
嘆賞者久之或曰是役也一旦而作之十年而成之非人力不
至此或曰非人之所能爲也以數十年之頽廢而其興也勃焉
冥冥中若有力爲之助者其神乎是二說者皆可信然余竊有
說焉以爲人耶數十年中緊豈無人胡待是以爲神耶胡不竊於

其將廢山名勝之區其待數十年遲之又久而後顯其靈無是
理也夫感發之必待數十年遲之又久而後顯其靈無是
以默爲呵護而當其由興而廢由廢而至於興則因乎時勢之
自然雖神亦不能聽命於斯况於人乎噫余知之矣天下事
莫不有數存焉猶憶嘉慶己卯余與二三生徒讀書寺中見夫
草溷塵封荒廢日甚其勢已岌岌乎不可復待而寂焉無復有
人焉過而問焉者時至乙酉忽倡興修之舉余欣然從諸父老
後亦參末議而旋以丙戌捷官京師去矣乙未夏丁內艱歸今
歲復授徒於茲瞻仰之餘風景頓異地則猶是也而煥然改觀
矣回憶十餘年前初不料其後之仍縮於茲寺與山水爲緣又
安能料茲寺之久廢而儻興而又如此其美也儻所謂數是耶
非耶經理諸公屢責序於余余不獲辭謹詳其顛末以爲之記
凡城鄉衆經理特立一碑誌其功四方佈施諸姓名甚夥別子
數石備戰之以垂不朽於戲美矣美斯愛愛斯傳也後之君子
其無廢斯美也夫

壇廟

社稷壇在縣西門外數百步壇高二尺一寸修廣皆二丈五尺壇

下前一十二丈東西南各五丈繚以周垣垣有四門明洪武二

年縣丞陳章建舊有神厨三間神庫三間宰牲房三間廢今祭社

稷神自北門入石主長二尺五寸方一尺樹壇南正中去壇二

尺五寸僅露圓顛餘瘞土中神號稱縣社之神縣稷之神神牌

二以木爲之朱漆青字屆祭設於壇上憑以几祭畢藏之祝版

以木爲之

附祝文維某年月日某官某等敢昭告於縣社之神縣稷之神曰維神奠安九土粒食萬邦分五色以表

封圻有三農而蕃稼穡黍承守土肅展明禋時屆仲春仲秋上戊日敬修祀典庶丸丸松柏鞏磐石於無疆翼翼黍苗佐神倉

於不既
尙饗

風雲雷雨山川壇在縣南門外數十步壇高二尺一寸修廣皆二

丈五尺壇下前九丈五尺東西北各五丈繚以周垣垣有四門

明洪武二年建廢今壇設三神位風雲雷雨居中本縣境內山川

居左本縣城隍居右附祝文維某年月日某官某等敢昭告於

城隍之神曰維神妙用神機生有萬物奠我民居足我民食某
等欽奉上命忝職茲土今當仲春仲秋上巳日謹用牲醴庶品

用伸常
祭尙饗

先農壇在縣西門外百步許清雍正四年建壇高二尺一寸修廣

皆二丈五尺壇後正殿三楹奉先農神牌於其上牌高二尺四

寸廣六寸座高五寸廣九寸五分朱漆金字東西配房各一楹

中爲大門外繚以垣藉田地四畝九分東西南北各三十四步

三分亦繚以垣

今俱廢

歲以仲春上亥日致祭

附祝文維某年月日某官某等敢昭

告於先農之神曰維神德產無窮恩施有應土育物而穀育民農有神而壇有主追維祀典屆在仲春某等敬列几筵恪修祀

事伏祈諸神護國佑民大慰三農之望宏施萬姓之休尙饗

祭畢知縣率屬官吏蟒服南向

行耕藉禮知縣先秉耒九推屬官以次從耕典史播種耆老覆土農夫終畝禮成量給耆老農夫胙酒或賞布有差

邑厲壇在縣北門外一里許明季爲河水所沒清順治八年知縣戴可進重修壇修廣皆二丈五尺壇下前五尺東西北同南爲

門

廢今

清制歲以清明日孟秋望日孟冬朔日厲祭無祀鬼神先

期三日縣官牒告城隍至日奉神位壇上主之設無祀鬼神牌

於壇下左右題曰本縣無祀鬼神

附祭文維某年月日某官遵承禮部割付爲祭祀本縣圖

境無祀鬼神等衆事欽奉聖旨普天之下后土之上無不有人無不有鬼神人鬼之道幽明雖殊其理則一故天下之廣兆民

之衆必立君以主之君總其大又設官分職於府州縣以各長之各府州縣又於每一百戶內設一里長以總領之上下之職

紀綱不紊此治人之法如此天子祭天地神祇及天下山川直省各府州縣祭境內山川及祀典神祇庶民祭其祖先及里社

土穀之神上下之禮各有等差此事神之道如此尙念冥冥之中無祀鬼神昔爲生民未知何故而沒其間有遭兵刃而橫傷

者有死於水火盜賊者有被人取財而逼死者有被人強奪妻妾而死者有遭刑禍而負屈死者有天災流行而疫死者有爲

猛獸毒蟲所害者有爲饑餓凍死者有因門戰而殞身者有因危急而自縊者有墮屋傾頽而壓死者有死後無子孫者此等有

鬼魂或終於前代或沒於近世或一兵戈擾攘流移於他鄉或人烟斷絕久缺其祭祀姓名泯沒於一時祀典無聞而不載此等孤魂死無所依精魄未散結爲陰靈或倚草附木或作爲妖怪悲號於星月之下呻吟於風雨之時凡遇人間節令心思陽世魂杳杳以無歸身墮沈淪意懸而望祭與言及此憐其慘故勅天下有司依時享祭在京有泰厲之祭在直省有省厲之祭在各府州有郡厲之祭在各縣有邑厲之祭仍命本處城隍鄉屬之祭期於神依人而血食人敬神而知禮仍命本處城隍以主此祭欽奉如此今某等不敢有違謹設壇於城北以三月初一日置備牲禮奠飯專祭本縣闔境無祀鬼神等衆其不味來享此祭凡我縣境內人民倘有忤逆不孝不敬六親者有奸盜詐僞不畏公法者拘曲作直欺壓良善者有躲避差徭損貧戶者似此頑惡奸邪不長之徒神必報於城隍發露其事使遭官刑輕則笞決杖斷不得爲良民重則徒流絞斬不得生還鄉里若事未發露必遭陰譴使舉家並染瘟疫六畜田蠶不利如有孝順父母和睦親族懼官府遵守禮法不作非爲良善正直之人神必達之城隍陰加護佑使其家道安和農事順序父母妻子保守鄉里我等闔

縣官吏人等如有上欺朝廷下枉良善貪財作弊蠹政害民者
靈必無私一備昭報如此則鬼神有鑒察之明官府非諂諛之
祭尙
饗

里社祭令村民於每里百戶內立壇一所祀五土五穀之神歲以

一戶輪充首事春秋二社致祭祭畢長幼會飲以終神惠

附祝文維

某年月日某縣某鄉里某人等謹致祭於五土五穀之神曰維
神參贊造化發育萬物凡我庶民悉賴生殖時維仲春東作方
興仲秋歲事有成謹具牲醴恭伸祈告祭報伏願雨暘時若五
穀豐登官賦足供民食充裕神其鑒知尙饗○按王志鄉屬祭
亦各鄉每百戶共設一壇祭本鄉無祀鬼神其輪充
會首率辦祭物會飲散昨等事大畧與祭里社同

關帝廟二一在縣東門內元至元十一年建清雍正十二年知縣

王澤沛重修民國八年知事安恭己增修改爲關岳廟一在南

門甕城內明隆慶二年知縣初旦建清康熙間重修

按縣境關帝廟甚多

今不備載

文昌祠在儒學東西向清順治十一年知縣郝應第重修內外增

建牌坊二座康熙五十七年知縣孔興誥拓其地而更新之爲

懸窰五間建閣於上閣前正中豎坊坊以內南北兩廡各三楹

坊以外兩廡各五楹前建大門三楹翼以鐘鼓二樓自大門迤

邐而西建樓爲歲時演劇之所豎綽楔爲廟偏北爲神庖爲饌

堂爲蔬圃

今爲文昌學校

乾隆二十八年重修道光二十七年繼修歲

以二月初三日致祭

今廢

城隍廟在縣治東南隅明洪武十二年知縣鄭養吾建正德六年

知縣靳章重修嘉靖十四年邑民於廟中創建昭明樓殿廡門

垣復加繕葺清康熙九年知縣王樂諫重修

邑廡生杜可柱作重修城隍廟碑記

其辭曰邑之東南迤孔湖而西崇宏爽塏憂乎大觀者曰城隍廟其緣起廟中無碑版可稽按邑乘所載創於明洪武十二年

重修於正德六年大殿五楹甚幽且達肖神像具衣冠紳笏東西步廊各五楹列冥府六曹厥像或哲而愿或駟而毅鬼役則

獍異百出瞻而衆怖思而猛省寓勸懲之意其深前為門後寢殿穿廊暨左右翼厦各三楹此舊制也而北面而歸然者為昭

明樓則嘉靖十四年增建殿前嚶亭崇禎三年增建之者自萬曆二十八年修除之後風啤雨嘯多歷年所遂致棟宋摧折

鼠線繞城堀之間悉茲為叢薄矣至於四圍樊垣相繼而陸或牛豎馬圍芟牧其中而莫之呵禁之也於戲金城湯池之靈邑

之人咸戴之以為天也陰陽和風雨時人不天札野無螟蟻惟神是祝保全善類誅鋤奸黨惟神是賴願令瓊宇宮庭荒涼若

是乎即以蠶煙龜鏡禱祀而求者踵相接也揆之詩所云以妥以侑者何以稱焉近廟諸居士勃乎有慨於懷力議興工以新神宇於是集里社之耆碩率典守之黃冠持鉢募化購者聽聽斤聽醮中金五百八十六兩有奇隨鳩聚徒旅攻木之工勤斧斤團墳之工勤陶旋設色之工勤塲治心殫力嘆乃能次第以有成也其廣輪豐殺步武舊規而堅緻完整碧采金光視昔殆倍之工始於丁未之四月竣於庚戌之七月諸首事之功信難矣其姓字當麗之石以示勸而捐貲者之等差例得並書云卜日建醮告成功也因四十四年知縣孔興誥乾隆五十二年知縣施茶果以落之

顧售相繼增修故事縣官入境詣廟齋宿祭神祝誓後始莅任

附祝文維某年月日太谷縣某官某奉命來官茲土務專人事主典神祭今者謁神特與神誓神率幽明陰陽表裏予有政事未備希神默助使我政興務舉以安黎民予倘息政奸貪陷害僚屬凌虐下民神其降殃謹以牲體致祭

八蜡廟舊無處所惟附祭於風雲雷雨山川壇明萬曆間知縣喬

允升於南門外龍王廟改立木主以祭

附祝文曰昊天育此兆姓貽百穀以爲生而或

穡事未遂將百室之胥惇乃諸靈之陰駭令樹藝之崢嶸害禾稼者悉屏職農扈而歆成慶俯仰之威賴人鼓腹而稱觥功普

濟於下土實蕩蕩而難名代我民而圖報陳牲帛以摠誠尙饗

奎光樓在城東南隅明萬曆間知縣牛維曜建清順治七年知縣

戴可進訓導曹民從康熙四十七年教諭任作舟重修雍正九

年知縣王廷贊改建三層樓嘉慶二年道光二十七年邑民重

修

鼓樓在縣署前明萬曆間知縣楊呈秀建清乾隆二十七年知縣

高繼允重修顏曰大觀樓

高繼允作重修鼓樓碑記其辭曰鼓樓在縣治前明萬曆年間邑令楊公

所建也其樓臺門戶高廣壯麗雄峙一邑之中有年矣歷久未
經修葺輒發不無傾頹楹桷不無撓折向之所謂高廣壯麗者
遂陋其觀余甫莅茲土即欲依舊營度比因年未豐稔不便勞
民繼從士大夫之請並出其所樂輸者爲之擇日鳩工一時趨
事之民熙熙然頗稱踴躍是余夙年欲償之志無事浚徵於民
而竟得以熙熙手觀成焉竊謂鼓樓之設所以儲鐘鼓刻漏之具

令士民藉以曉晨昏時作息非徒具瑰偉絕特之觀人蹄一時臨
眺已也而茲樓之建臨屬市跨通衢鎮日之輿馬遊人蹄踵如

織登斯樓者一望倉茫可數十里其間閭閻錯錯烟火萬家不
可悉計然後知民生殷富之區兼以盛朝涵煦百年之久安吠

畝而樂衣食不可謂非幸矣至於南枕鳳山之秀復有鳥馬象
谷諸河爲之襟帶山川風景無不納於樓中因爲顏其額曰大

觀此又余簿書鞅掌暇樂得縱觀其上一年洗塵襟而差免俗吏
之謂者也是工之興始事於乾隆二十六年五月訖工於二十

七年八月其樓之縱橫廣狹悉如揚公舊制所謂無侈前人無
廢後觀今余旣以落成爲慰又欣前令創造美意得與斯樓並

彰焉故
道光二十一年知縣葉菁華興工繕葺光緒三十三年

知縣王正鴻重修

東嶽廟在縣治後明永樂九年建清順治間重修雍正六年咸豐三年相繼增修

西嶽廟在縣東北五十里曲河里元至正三年建

三官廟在縣東城下明洪武二十四年建

碧霞元君廟二一在縣東門外一在縣西門外

龍王廟在縣南門內清乾隆三年知縣王澤沛重修同治八年知

縣張元鼎重修

晏公廟在縣治東南清康熙三十四年重修道光十五年繼修民

國十七年補修

商王廟在縣東北十五里敦坊村供成湯太甲伊尹像

三靈侯廟在縣治西俗改爲七聖廟

按通志引舊志云三靈侯者字靈侯唐宏字文明威靈侯

葛雍字文樂浹靈侯周武字文剛皆周厲王臣諫王不聽去之吳後宣王立復歸周王遷三臣於東竟治民有惠政歿並加侯

封宋眞宗賜號三原眞君祈禱輒應又引魏書清河傳融有三子靈度靈根靈越胥以勇力聞融嘗謂人曰融虫之子有三靈

此圖識文也好事者然之故豪勇士多相歸附三靈侯或指此二說未知孰是姑兩存之以備考

孤大夫廟二一在縣北街舊廢清雍正十三年里民重建道光七

年里民重修一在縣西南十五里白城村元中統三年建其餘

石象惠安等村多有此廟不備載

按通志稱利應狐突神廟

韓獻子廟在縣東南二十里四卦村

趙襄子廟在縣治西

俗名借
錢廟

清順治十二年重修光緒季年里民

繼修

孟母廟四一在縣東北五十里東賈村後廢一在縣東四十五里

閻村一在縣東北四十七里格子頭村一在縣東北四十五里

下谷村俱明萬歷間建

諸葛武侯廟二一在縣南十五里東咸陽村南元至大二年里民

弓德福重修至正二十六年子仲禮踵成之

邑人程易作重修
諸葛武侯廟碑記

云大丈夫處草昧之時不為則已為則能立綱常正名義皇極
既危而再建國運已絕而復興求克當其任者誰與諸葛武侯

一人而已。侯當漢末，躬耕南陽，不求聞達。斯時也，曹氏據中原，孫氏霸江左，勢力豈能動其心哉？昭烈以帝室之胄，三顧草廬，慨然而起。由是馳驅於戎馬之間，奉命於危難之際。治兵講武，以肅軍政，科除嚴明，賞罰必信。終能鼎足三分，再興漢室。左武兩朝，鞠躬盡力，知無不爲。又慮漢賊不兩立，王業不偏安。遂欲圖帝業於中原，興復劉氏之疆土。何其大也！奈何功業未就，中

道云：殂然立綱常，扶皇極，使炎運幾灰而復然。神器幾絕而復續。伯仲伊呂，遠過蕭曹，宜其血食萬世矣。太谷縣南十餘里，曰

威陽，其谷口舊神祠，以關張二神並列左右。夫二神羽翼昭烈，勇冠三軍，與侯同心協力，共濟大業。今並享廟祀於義誠當歲

久日深廟宇，摧朽門牆，覆神像，暴露里人弓德，福自前已。西歲鳩工，聚材補茸，增廣齋宇，翬飛惟神像，損壞未及繪畫而卒。

其子仲禮欲繼志，述非一日。奈兵旱相承，不能得遂。及丙午歲，割己財，招工匠，補其塑像，金碧輝煌，可謂能繼先人之志矣。

一日求記於余，余謂侯之名與天地日月同，其大有不待祠而顯。侯之功與岷峨劍閣爭，其高有不待記而名。古者以勞定國，

則祀之，以死勤事，則祀之，有功德於民，則祀之。侯豐功偉績，傳於世者，顯遺風，餘澤入於人者，深仲禮以一祀之誠，使廟貌輪

奠如是不惟知所趨向抑亦使後之觀感者有所敬仰而歸慕焉不爲無補也明洪武十四年繼修後

廢清道光三十年里民龐仲昌等重建一在縣西南十里曹莊

村

按咸陽村西南里許有山阜嶺起名臥龍岡廟即建於岡上

三義廟在縣南十五里東咸陽村清乾隆間里民重修

邑貢生孟廷亮作重

修三義廟碑記云關帝祠宇徧天下我國家疊加忠義神武靈佑之封春秋仲丁致祭武科目謁廟如夔宮釋奠禮既已秩在

祀典矣下至一村一里服教畏神居人聚而立廟以時祈禱者所在多是然大抵皆專以祀帝而昭烈桓侯不與焉豈以帝之

祀於木朝爲最隆威顯亦最著昭烈於帝爲君爲兄懼其尊之有所屈而不敢以並歟抑小民祈福惟知赫聲濯靈而不暇及

於他歟吾以爲帝之心自布衣以至於封侯至於廟食萬古至於封號之迭晉而爲王爲帝其心無日不與昭烈桓侯相爲感

通者也心之所感通則其馨香俎豆來格來享亦必於是乎模而不可以常說拘矣東咸陽村舊有三義廟不知所由叻規模

淺狹不足以供安侑丙子春衆議重修捐輸響應自正殿而兩廡而門墀以及鐘樓鼓樓庖厨客舍墜聖丹漆煥然一新村之

人春秋歲時潔齋禋祀惚然而生慕義之心也夫是爲記

無佞侯廟在縣南門內元至元三年建

舊傳神臨汾人嘗爲浮山尹今民築堰瀦水灌田又

嘗陰助唐太宗伐宋老生有功封護國無佞侯歲旱禱雨輒應因立廟焉清同治八年知縣張元鼎

重修

按通志縣東三十里回馬村亦有無佞侯廟

財神廟在縣治西南清乾隆四十二年建道光二十七年縣民重

修

唐太宗廟在縣北五里上善村元至正十一年即三公祠改建

舊志

載三公爲太宗秦王英公李勣鄂公尉遲敬德也

李靖廟在縣東四十里東里村

忠義祠在儒學東正室三楹大門一楹石碑一座繚以周垣清道光十年知縣孫銜署教諭申悌義訓導董詵重修改顏曰忠義孝悌祠

節孝祠在縣西南坊正室三楹大門一楹外有牌坊繚以周垣清雍正五年知縣司馬灝文建嘉慶十八年署知縣張光祿重修祠西有養濟院廢址取以益祠建屋前後凡八楹收佃值焉光緒七年知縣侯承熙以常平倉舊址增建後室三楹前院東西碑亭各三楹八年知縣吳匡踵成之

寺觀

資福寺在縣治東南

俗名東寺

金大定二十五年建明洪武間置僧會

司清康熙十二年僧覺闢重修三十五年乾隆四十一年光緒

三十三年繼修壯麗宏敞冠諸寺

舊志寺之西南有注水窪周圍八畝許城中東南維一帶

雨後積潦俱滙於此年久地高水無所洩清光緒初本城孫頤年等捐銀一千兩挑濬深三尺餘水道始暢

普慈寺在縣治西南舊名無邊寺

俗名南寺

創於晉泰始八年寺中建

浮圖一座高聳凌空頂有尊勝幢相其望色愈久而白不減

按縣

治古名白塔村木此

宋治平間重修改題普慈寺元祐五年繼修元明至

清初屢屢修葺光緒三十二年縣民釀金改建復顏曰無邊寺

規模宏敞煥然一新

寺邑舉人孫丕基重修普慈寺碑記云昔慈

治猶在陽邑也村名白塔寺名無邊寺迤南蔓延五里餘庵谷

河流橫互其中左右實爲僧徒香火地自縣治改徙市廛林立

香火地亦即改建市廛收租價以供僧徒口食而四方挂錫來

者屢屢矣厥後同治間一燬於火孟綽如捐金重葺光緒間又

復築圮楊玉如劇金改建迄今又廿餘年矣僧徒之戒行不嚴

以致寺之高僧如妙寬則西遊峨嵋不返妙宣則出爲檀栢寺

長老殂化於京西山且遺舍利珠焉而此無邊寺之市廛久爲

有力者奪去即楊玉如之募簿經兵燹後亦漫無可紀都人將

前人善舉附誌碑左計舊碑僅存二石其餘則風霜剝蝕直如

李秀殘碣而已滄海桑田風雲變幻僧徒久已散遺廟院改充

學校生徒聚集之所矣撫今思昔不勝慨然爰記其顛末如右

○知太谷縣事安恭己重修普慈寺續記云民國七年秋余來

守茲土循舊例閱倉厥退而至商會偶憩見其西有浮圖矗立

皎然凌霄允爲一邑巨觀問之則曰此白塔寺也古稱無邊今

名普慈若白塔寺者蓋在太谷未設治以前既以白塔名其村故亦以白塔名其寺考斯寺在清同治光緒年內兩遭回祿二十八年間破壞益甚寺之南有楊瑗者商於京師因拳匪之亂返遂倡議興修邑之人士咸贊其成董事者六人工作者三載役始於光緒三十年二月事竣於三十二年計費銀兩萬兩有餘多係縣中各界暨四方客賈所捐輸不足則由協成乾協源茂兩商墊用惟工雖竣而各方捐冊未齊將立石紀事之舉因以閣置厥後楊瑗及董事諸人大半凋謝迨辛亥而還歲月不居商家衰落閉歇者將自保之不暇遑計及寺工費用之結束今則一切底冊蕩焉靡存此事更無從着手矣余聞此言輒深惜之然尙未計及若何辦法也自此後以迄於今又六七歲矣余每因旱禱雨恆設壇於此又因學督課亦常觀蒞於此見夫僧徒之損戒行耗公物與夫寺宇之被風雨失修者皆不可不有人以董理之因東邀邑紳孟君石賓張君適之賈君六卿蘇君介眉四人董理其事近年來寺產之賴以保存整理者皆諸君之功也今春介眉逝世公議以商會會長武君瀛洲接充就近經理復擬及將前者重修此寺之顛末即其所知者而紀之於石以資結束其不可知者則暫付闕如庶不至使

後之來者對此數千年之古寺抱無從稽考之遺憾議既定公
來屬記於余余以此舉既可了前人未了之事且可示後人弗
迷之津而於余數年來輒深感惜之宿願竊戚戚以爲有合也
爰忘其謫願爲述其崖略如此若夫其他大端繫於此寺興廢
者已見於邑紳弼
予記中不重贅

安禪寺在縣治西南元延祐三年建清光緒季年縣民重修

離相寺在縣西街

俗名西寺

元延祐七年建清咸豐四年縣民重修

萬安寺在縣治後

俗名北寺

金皇統七年建清道光八年縣民重修

法凝寺在縣東四十五里閻村金天會十二年建

治平寺在縣東四十里東盧都元延祐六年建清嘉慶間重修

安定寺在縣東三十里西盧都金皇統四年建

大智寺在縣東三十里西盧都金貞元元年建

壽安寺在縣東二十五里大白都金皇統八年建

壽聖寺在縣東三十里小白都元至順元年建

圓智寺在縣東五十里范村明萬歷間里民范朝尹重修

光梵寺在縣東十里石象村宋治平四年建

慈濟寺在縣東十三里杏林村金大定二年建

淨信寺在縣東二十里陽邑村唐開元元年建有斷碑漫漶不可

讀

按唐時寺爲尼菴後改僧院清嘉慶中寺西尚有石塔頂存焉

定明寺在縣東三十里黃卦村後唐時建金大定二十三年明嘉

靖三十六年重修

永凝寺在縣東三十里回馬村金明昌五年建

寶峰寺在縣東六十里浮圖村元至治元年建

法雲寺在縣東南二十里四卦村元至元二年建

天凝寺在縣東南十八里鳳景山頂明萬曆十一年建清乾隆三十九年重修道光二十七年縣紳段士聰等繼修

宣梵寺在縣東南十八里惠安村金承安五年建明弘治間清乾隆間重修

磨龕寺在縣東南三十里磨龕山山由奄谷入厥形如龕窮巖額

覆幽邃異常日月不流寺建於山半寺前松栝林林蒼鬱相向

清康熙四十五年重修

邑拔貢胡衍虞爲文記之其辭曰余初未得龍顏寺而遊之也然有先余遊者

以其遊示余而余亦即得其遊爲遊焉遊者曰寺在磨龜山之抱頭枕山頸尻倚山腰趾臨山足其聳翠於睫前者松柏之

丸丸也其激蕩於耳際者溪流之活活也去人家數里譙譙所選之聲一無至者僧於其中玉磬敲雲木魚叫月即王摩詰維

云終年無客長閉關終日無心長自閑者歟運以歷年久遠風雨饜齧蒼鼠竄瓦臺殿壁廡間多所墜落住持茲芻等戚戚於

心募緣振舉首東溝南觀音殿示所尊也而韋馱而伽藍而龍王諸殿以及僧徒所居諸禪舍莫不以次加工焉歎也正之圯

也葺之漫漶不鮮也丹堊之一時壁宇楹廊煥然改色而今而後庶可久乎然是刹也幽靜窈窕與薰修宜願憇其中者不耽

寂樂或六時中聽廣長舌於溪聲一觀大淨身於山色或續五家燈焰或栽九品蓮花朝夕了觀一段大事因緣乃爲不負此

刹耳不然者無論友麴藥生茹穿籬菜是莫大罪過即噉却粥飯安居無事亦豈得爲三寶中人哉工竣日募僧欲得一言以

壽諸石余甚望住山者之有所得力於山也故觀縷鼎新之事而并及諸此

淨覺寺在縣南十里侯城村元至大三年建

福嚴寺在縣南十里侯城村元至大三年建

清涼寺在縣南十里侯城村金皇統元年建

福緣寺在縣南十二里鳳凰山頂明宏治七年建清康熙四十七

年重修咸豐元年繼修

龍泉寺在縣南十二里東山底村之上鳳凰山之坳

舊志按通志所載龍泉觀

即此寺其原注在侯城村誤

元至正十五年建民國六年重修

邑舉人趙昌晉爲文記之

其辭曰民國六年夏六月重修龍泉寺成寺爲穹谷所抱懸鳳山之腹運用建築皆艱故事倍功半兼舊者全圯雖曰重修實

同新創山門外左右石室上復以樓下一級坡而平添製石岳坊
石橋石欄外鑿石爲池像已佚者不再造代以木主并祀岳
王於關帝右韋陀閣已佚不復建改祀於旁樓上之餘仍舊錢
沿革損益大略如是共費錢九千九百二十七千布施所得錢其
七千五百二十七千除所入尙不敷錢二千四百千正懸而并無
着適叔芝縣長禱雨於龍泉得獲豐年一日入山躬送鐵牌并
謀所以報賽神泉者經理諸公以虧空告并溯其緣起叔芝縣
長聞之曰以闕邑之事數人出而任其艱鉅足徵風俗之厚此
地方爲之善倡也豈可使蒙鮮終之謂坐視而不爲之所吾今捐
俸以爲之善倡并勸闕邑及客籍於斯者集貲以彌此缺憾答神
賑且以維持善氣也於是作者爲小引散給闕邑人情之勸然使叔
縣長雖有言而邑人不應甚者或有違言亦人情之所恒有事
勢之無可如何者也乃吾谷人竟然聞命之下奔走恐後不一
月集錢一千三百七十千何順而速也固由於叔芝縣長莅任一
以來不肯一事輕煩民力輕耗民財一以與民休息爲主因感
孚之有素故其從之也輕而亦由是吾谷之舊誠有如叔芝縣
長所謂善氣者非一朝一夕之故也前輩好施之盛當此生計
艱難不無少減而其忠厚固在也特無以觸之則不見耳得數

猶不足經理諸公又各任募化既補所不數兼蓄歲修紳以燕
餘演劇合樂以酌神而妥靈備酒席邀長官以及城鄉士紳其
飲以落之一時情事六一豐樂東坡喜雨有不是過者而究不
能不歸功於神之神也設禱不得雨官民將愁歎之不暇何暇
及此豈得因時尙薄迷信而竟昧所由來哉且不特此即是寺
之興廢冥冥中究若有主之者致人而非人所致也晉於光緒
癸卯夏偕同人作南山之遊宿於山麓之龍王行宮暇則循泉
而上至水母洞見特新整是烏程吳公知縣事時所修者再登
而爲聖祠雖舊而未毀此外則蓬蒿没人瓦礫滿地巖墻墜
石之間畧窺懸窳則黑暗幽邃白日駭人人不敢入同人曾墜
不言曰吳公際辦理清丈立局於城值充足之時處得爲之勢何
乎程工度財可與咋舌則又曰望縣運有轉機得復吳公時之
舊則在座者可出而董理之也言猶在耳其死者墓木已拱其
存者亦少者壯壯者老蓋轉瞬已十有餘年矣晉之語恐徒極
衰落閉戶養痾廻思曩日又大不侔每憶及同人則語恐徒託
空言自分之今生不能見此寺之興復矣豈料其竟得成於今
乎晉始聞之而怪進而詢得其所以先是石君渭生於宣統辛日

亥向村人醮資修龍王行宮與山徑之凹凸不平者繼於乙卯年又稍稍醮資於相識修聖母祠武君注東孟君石賓聞之出而爲之助因以籌其全又邀同志數人分任募化以有今日今又得叔芝縣長鼎力倡率闔邑爲之襄助以善其終相因而至今皆若有所不得已者不獨爲晉所不料亦豈石君始事時所及料哉未至其時勢雖易而闔邑不敢舉至其時勢雖難而數人亦足以有成晉所謂不致於人者非歟而吾又有說溯是寺之盛當在百年以前而谷縣運亦極隆於嘉道之間其衰也將近五十年而縣運亦日見其不振矣然則今日是寺之興其殆吾邑將復之機乎山川清淑之氣鬱塞散渙者久乍然疏通會萃其發洩必有可觀者語曰和以致祥是役也始終得力於人和其致祥也固宜

聖果寺在縣南十里中咸陽村金皇統八年建清道光十年重修
梵天寺在縣南十里東咸陽村金大定五年建

萬安寺在縣南十里西咸陽村元至元十年建

法雲寺在縣南十里張村金皇統八年建

永慶寺在縣西南十里洸村金正隆二年建清乾隆二十九年重

修

光化寺在縣西南十五里白城村宋咸平二年建

楞伽寺在縣西南十五里井神村寺塔山東清康熙五十一年建

壽聖寺在縣西南七里曹莊村明宏治十六年建

崇勝寺在縣西南三里副井村金大定五年建

大明寺在縣西北十里登豐村金皇統三年建

大仁寺在縣北五里上善村宋治平二年建

法安寺在縣北十五里郭村元至大二年建

法安寺在縣東北五里韓武都宋嘉祐六年建

大明寺在縣東北五里韓武都金大定九年建

慧明寺在縣東北十里朝陽都元天歷元年建

常樂寺在縣東北十五里敦坊都金天會十年建

聖安寺在縣東北十五里胡村宋太平興國二年建

大仁寺在縣東北二十里忠孝都宋政和二年建

永慶寺在縣東北二十五里小常村

福慶寺在縣東北二十五里小常村金皇統七年建

萬壽寺在縣東北二十五里南席村金天會元年建

明福寺在縣東北二十里陽村明景泰七年重修清乾隆十二年

繼修

永安寺在縣東北二十七里上莊村金貞元二年建

永安寺在縣東北二十五里信義村金天會十二年建

永慶寺在縣東北二十五里信義村元至順二年建清道光二十

三年重修光緒二年繼修

貞聖寺在縣東北七十里佛谷村金正隆二年建

崇果寺在縣東北八十里佛谷里宋治平二年建

淨圓寺在縣東北八十里佛谷里金皇統二年建

定明寺在縣東北四十里西薄村金大定四年建

普向寺在縣東北四十里任村金皇統元年建

貞寂寺在縣東北四十里大郭村宋大觀元年建

壽聖寺在縣東北七十里梁平村金正隆三年建

安靜寺在縣東北七十里梁平村金正隆四年建

上乘寺在縣東北四十里東里村明洪武年建清康熙乾隆間重

修

寶峯寺在縣東北三十里白燕村元至治元年建清光緒八年重

修

永慶寺在縣東北十五里董村

大士菴在縣南街清康熙間重修

云胡衍虞爲作白衣大士菴佛刹之

一也谷邑亦多大士菴孟氏大士庵又大士庵之一也庵位邑中央枕兌瞰震門下階臨通衢入門殿三楹肖大士像綠帔素

廊之一兒咳膝上古丈夫也人望之如慈母然殿前左右爲康廊

也僧憩殿後一室室可容榻容席容竈牀無丈尺垣北隙地不半畝則高下數圀處之矣然制固隘孟氏族人歲時伏臘小

議必聚於斯卑不凌尊幼不奪長大不軋小強不侮弱秩秩然雍雍然若大士之靈陰厲而呵護之者而庵於是乎重其緣起

不見碑版度作者心亦非佞大士以福也亦非項念珠手瓣香數苦頭陀故事希來世果也亦非艱於熊夢欲以一庵得大士

小心博侮大士膝上兒也蓋亦或慨於族之人卑凌尊幼奪長大豈

誠曰大士苦露處向人間世乞一庵吾以數椽相庇結大歡喜緣哉然而當大士意適在此蓋大士不與人情遠其愛人之有倫以相次有恩以相比視彈貝葉瘦木魚者常什伯今以是心至誰復忍於不陰隲而呵護之也亡何歷年既久風雨剝蝕庵內外皆漫漶不鮮僧以謀朝夕不給時引錫去龜鏝煙將即於熄族人之過者類爲泚也爰合資爲丹碧計棟宇樞扉煥然璀璨復於向所云隙地者編屋授塵入其儼金爲焚修佐而僧可留而庵可無壞自茲以往族之人歲時伏臘有聚於斯卑不凌尊幼不奪長大不軋小彊不侮弱秩秩然雍雍然大士以其靈陰隲而呵護之寧有終窮哉然數傳後子子孫孫此意或不及與聞之也爲鏡諸石以示來許

神霄宮在縣治東宋崇凝元年建明嘉靖二十七年重修

迎祥觀在縣治東南城隍廟左元至正二十三年建

隆道宮在縣南十里鳳凰山麓耐泉之間金皇統元年建

按通志唐時白

將軍建隆道觀於鳳凰山下宋修○清道光時侯城鎮董事人
等於寺僧舊篋中檢得一紙上載隆道宮不知所自始迨唐時
燬於火遂爲白將軍所據立家祠宋政和間重建額曰隆道觀
元延祐五年道士楊志元住持明洪武十六年道士張碧雷樓
此爲道會司清康熙三十八年道士王一淨募修舉人孫雲
爲之引易觀爲寺僧徒居之乾隆四十年知縣單燻率紳士大
修道光八年城鄉紳士協力增修光緒
六七年間又增修較前益加壯麗焉

紫微觀在縣東北十五里胡村元大德七年建

玄貞觀在縣東北二十五里信義村宋明道元年建元大德七年

重修

又玄觀在縣東北五十里曲河村元皇慶二年建

天后宮在縣治北萬安寺後清光緒七年建

水母洞

在鳳山之麓俗名兒頭洞有光緒九年知縣吳匡重修

金石

周罇鐘 銅質陰識文十七字形似大篆文曰齊侯作楚服寶罇

其萬年子子孫孫永享用器藏縣城外西莊村武氏懷園

鐵像 郭村法安寺元至大二年建有鐵鑄像二十二尊村西北

龍王廟內鐵漢祠有鐵鑄菩薩五尊羅漢十八尊鐵碑一座備

錄善士佈施明正德五年鑄 北洸村永慶寺有鐵佛一尊鐵

碑一座明嘉靖間鑄碑文漫漶不可讀

鐵鐘磬 石象村光梵寺古鐘上鑄李家渠水利事並功德主里

長等姓名元至順二年鑄 曹莊村壽聖寺鐘明天順八年鑄

眞武廟鐘成化十九年鑄 縣城南鳳山巔浮圖前有鐘一顆
明成化八年鑄 北洸村永慶寺鐘明嘉靖七年鑄禪堂院鐘
成化二十二年鑄大磬一顆萬歷九年鑄觀音堂鐘磬俱萬歷
三十年鑄妙覺菴大小鐘各一顆俱泰昌元年鑄 東山底村
社保存龍泉寺韋馱閣小鐘一顆明嘉靖四十五年鑄 辛村
法寶寺鐘體制宏大重千餘觔叩之其聲清越以長明萬歷九
年寺僧明雷善友杜普共募鐵鑄 肇開法寶寺鐘磬俱明萬
歷間趙姓所鑄磬有鑄文云皇圖永固帝道遐昌佛日增輝法
輪常轉

鐵爐 鳳山巔福緣寺七佛殿前醮爐欵識爲明正德八年七月

信女冀妙裕謹誌十四字 北洸村聖母祠醮爐明隆慶六年

鑄

鐵牌 清光緒四年知縣張貽瑄鑄

是年大旱知縣張貽瑄禱雨請邯鄲鐵牌做鑄之置龍泉

寺水母洞中自是禱雨輒應

玉璧 北魏孝明帝正光三年并州靜林寺僧於陽邑城西橡谷

掘藥得玉璧五玉珪十玉印玉柱玉蓋各一並以獻

石魚 清道光中趙開村民耕地得一石魚首尾鬣鬣俱備背上

有一圓孔如錢大似爲組繫者叩之其聲清越以長夜靜聲聞

數里懸諸社廟四方來觀一悍夫以椎猛擊之尾立斷聲遂暗

後為省垣古董肆購去

盜盃 清嘉慶初趙開村民史某掘地得古瓷盃數十製式堅樸

其光黝然而澤夏月置肉食其中經宿不變

按舊志考趙開為簡子所關乃馳驅

般樂之所村人往往於土中掘得器玩多非近代之物意者即其所遺歟

唐白將軍建隆道觀碑在縣南十二里鳳凰山下

晉陽記隆道觀大 唐時當里佐

命白將軍所修香火之地殘碑剝落不可讀

唐鄉正馬惲墓誌

君諱惲字海通扶風人也帝顓頊之苗裔楚靈王之允緒徽望扶風宦流晉部先祖晉朝太尉

魏室司空敷奏王言宣揚帝命祖暹齊任代州戶曹父暉隨任遼州博士乃祖乃父簪纓門傳紹武嗣文鹽梅助化君前任鄉

正撫臨人俗黎庶仰以嘉猷導禮宣風郡宰挹其模楷誰謂二忠誠克著搆疾相侵藥餌不瘳沈痼遂固春秋七十有七上元二年八月二十九日終於私第上元三年十一月八日葬君於陽邑故城東南一百五十步嗚呼哀哉長年永記

唐南溪縣令孟貞墓誌銘

君諱貞字君漢河內人也帝顓頊之苗胄周文王之允緒望重河內因官晉部

先祖晉朝太尉魏室司空敷奏王言宣揚帝命祖法齊任刑州司戶父孫隨任朔州錄事乃祖乃父冠冕相承爲質爲文俱參

職位君前任戎州南溪縣令時稱善政製錦未煥其奇代號能官烹魚豈方其術男歌五袴女詠三裳返饋留錢襄幃問疾誰

謂忠誠克著搆疾相侵藥餌不瘳沈痼遂固春秋七十有九上元三年三月十九日終於私第以其年十一月二十日葬君於

陽邑村東二里左臨象水瀾瀨洪流右望耐祠清池淥沼前觀鼎嶽峻極嵯峨後眺尹崗連延萬里悲纏原野痛傷行路嗚呼

哀哉乃爲銘曰昂昂君子其儀不忒忙忙日月慘慘烟雲廟股肱王庭羽翼淑人君子其儀不忒忙忙日月慘慘烟雲廟

孫懃馥蘭桂傳薰俄從物異儵忽沈淪嗟呼悼矣惴慄泉門之按舊志馥蘭桂傳薰俄從物異儵忽沈淪嗟呼悼矣惴慄泉門之

字尙完好無撰人姓名
誌石今存淨信寺中

唐騎都尉智元墓誌銘

君諱元字慶其先隴西苗冑智百王之後
曾祖隴曹南陽郡守祖德板投汾州司馬

父燕隱儒勗志廉讓兼施守節邱園辭榮不仕君神姿練達乘
天淑靈帝族分輝藏光匿耀浮沉閭巷博義寬仁二柄精修時

當日用武雄心猛烈召募從征克敵無遺蒙授騎都尉豈謂鳥災
庚日俄抱北升之魂人夢已年無復南山之壽遂穆雍家室遜

梯鄉閭未盡規模忽離私疾春秋七十有五開元十七年三月
十四日殫於私第遂使愁雲泣鳥谿澗吟梭道路歎其遺蹤內

外嗟其舊跡以開元二十年十一月二十一日葬於夕陽村東
北四里自燃禮也東連覆允西眺龍門南瞻象河北臨徐水哀

子懷文號天罔極叩地無從痛切南陔悲纒陟岵即以龍輻去
去男申躡躑之悲素旌飛飛女發號咷之泣其詞曰青鳥識兆

白鶴臨墳梁山歌雪還憇無春按舊志智元墓誌銘清道光
初朝陽村舉人籍溥耕地所得字體雜行草尙可辨識無撰人

姓名署縣汪和重摹
勒石存鳳山書院

唐太谷縣令安廷堅美政頌碑周琯撰文大原府參軍房麟妻高

氏書今剝落無存

郭子章豫章書高氏書筆畫遒麗不似婦人歐陽公云余入晉中搨得高氏碑二通宛然

二王書法一美政頌一交城縣石壁寺鐵彌勒像頌

唐太谷縣令李公墓誌銘河南口少凌撰并書

唐建中三年正月十六日太谷縣令

隴西李公逕歿於太原龍興精舍享年四十有五其月二十八日窆於晉陽城西南一里龍山之下蓋從權也曾祖父舉皇殿

中少監祖仲思皇宗正卿父溥皇同州河西縣令噫公蘊蓋中和性維簡淡齒不得偕下壽宦才至縣大夫闕不得經時

家游寄萬里哀哉曷積善無應闕鍾此門少凌忝以密親備書素行銘曰天之至明胡不鑒德馨李侯何故天闕

中路悲乎悲乎曷不詣天而訴

唐淨信寺殘碑在縣東陽邑村碑四面皆有字率漫漶不可讀今

錄碑面之稍可辨識者

樂以舊績詩以道志書以道事禮以道行

魯之士縉紳先生而能明之也但齊物順時第二行良能

滿聽珠玉可談即姑臧李銳爲丞隴西李擢爲主第三行

陽張璠之河南獨孤吳隴西牛庭玉長安杜鄰爲尉推東海第四

君第五行第六行京而共潔臺冰同澄清渭即此功德圓滿者賴吾占

城陽字楊字第七行第八行陽處關西孔子楊振之允望在華陰故以

字之從木爲城望北平人第九行郭雖是人俗已非黃花

一門朱輪十乘邑居之里嗣我宗祧第十行猷如故視其

所以觀其所由察其所安人也遠之有其逸第十一行以敬

煩使之有其能卒問之有其智急與之期有其信委之以行第

十二行莊周之以危有其節醉之以酒有其則雜其處而試其危

固聞莊周第十行節人之譽其詞曰第十四行試其危

昌國莫之我唐自古聖帝莫之化第十五行我皇齊天之覆

同日之光其如來天子帝國通化八第十六行我皇齊天之覆

昌國莫之我唐自古聖帝莫之化第十五行我皇齊天之覆

同日之光其如來天子帝國通化八第十六行我皇齊天之覆

移代久雁塔一心循構
第十七行 春城 第十八行 第

石塔 郭里村妙智寺有石質舍利塔一座高二尺六寸形似蜂腰式瓦桌下層爲八角形正面有四字曰舍利之塔兩旁各刻僧像一餘五面鏤字皆漫漶不可辨上層圍較小亦八角形字跡更模糊惟口和四年三極字眞上一字不可辨相傳爲宋代遺物考宋有至和政和重和宣和等年號細審殘形或係至政二字姑闕疑可也

石佛 奄谷內萬佛崖相傳爲鬼斧神工清道光初邑進士武蔚文親往洞中見南壁上有楷字數十行略可辨識記宋時惠安

村富人王姓家人約四五百口好善樂施發願鑿山磨壁爲萬

佛崖至今佛像尙多完好云

按縣南十五里咸陽谷內石壁亦有佛像

金咸寧縣令冀天寵墓表在縣東三十里白念村西北猗氏縣主

簿郭天麟撰文大定二十五年歲次乙巳二月十二日丙寅立

石

金陝州倉使李昌慶墓誌銘元太原路教授李之芳撰文

文曰自科舉之

法盛於唐而詞章事業號稱得人至今設科取士猶有古意大定明昌間文士極盛場試千百中例取一二題榜之下在繁穠

舉子歲無空越故當時爲一郡之望至今儒門宦族布於閭里議者以爲有鳳山之秀鍾靈於人固然而不知實國家教化之

漸摩名德世業之相尙有以致之耳李君壽之迹其繼爲儒者箕裘不墜前後五世矣其大父遠以金正隆二年應詞賦舉中

甲科爲寧化軍司使以廉能稱秩滿投朝列大夫石州寧鄉縣丞卒於官祖母王氏生君父敏修精勤儒術書法高妙大定間

以世爵授將仕佐郎嵐州都目明昌五年就選擢亞魁遷儒林郎錄河中府事以政績聞時張萬公爲府尹命書鶴雀樓額及

成百官銘於公廡之壁大奇賞之未幾萬公拜參知政事薦於朝加奉訓大夫遷祁縣尹深有惠政人歌來暮累官至河南府

治中終有則承廡初娶溫氏生君及一女君名昌慶字壽之性嚴肅舉止於官廡父爵授宣德郎監文水縣酒復加本縣義軍千

戶歷授河南府酒稅使及陝州倉使後挈家北歸以本縣學官隱居教授生徒常以百數其養成人才及入仕版者多出其門歲

己亥以府缺復其家君識時遠變日與士大夫相從詩酒抹月批風優游卒歲可謂善處世者矣君生於丁未歲十一月五日

終於甲寅歲六月十有六日妻姬氏賦性溫厚克勤家事睦親善鄰以庚戌年六月十有六日生至元庚午三月十日卒日享

年八十有一子曰鼎新字子革爲人和易而好禮未冠有成人之量美丰儀一子曰笑遇客輒飲盡歡不謀世務事母以孝聞

浮沈鄉社亦以教授爲事其交友率皆時髦不幸蚤世生於未歲之孟秋朔歿於至元戊辰歲之仲冬望後八日年甫三十

有四妻孟氏孀居奉養其姑撫字孤子闈門端肅邑人賢之
大夫以其貞節薦於府庭生四子長曰井次曰林曰榮曰秀咸
有父風今王公之長孫并齋敬諭武成卿所撰行狀又以判太
總管府事王公之記書來命予誌之蓋王公童卯之年嘗受學
於先生講下欲報其德故刻諸貞珉俾傳不朽世降俗薄弟
之禮寂然無聞今王公雖貴顯不忘其初亦可謂厚德之至者
矣因爲論次而繼之以銘曰朝陽之霞春水之華豈天地之美
而有賁於名世之家良吏之廉化君子之澤加積善宜有慶粹
德其無瑕繫才之良繫賢之門而光啟吾鳳山之秀
以傳其授宜滋大真賢之門而光啟吾鳳山之秀

元重修宣聖廟碑大德十年翰林編修呼延伯起撰文

亞中大夫輕車都尉河東山西道宣慰使司平西侯李公碑在縣
東北四十里東里村西元延祐四年立石至今碑跡尙存

元尙書白儀墓邑志無考清嘉慶初侯城鎮武姓開甄窩於本鎮

東南崖際取土得斷石一方上有剝落字迹猶可辨認爲尙書墓志今窰戶已歇其土阜嶮然猶存

明太谷縣知縣喬允升德政碑萬歷二十七年戶部尙書褚鈇撰

文

文曰世之譚吏治者曰某邑易某邑難夫民一也何難何易在治之者善不善耳器誠利何憂盤錯車誠完何問險夷偉

抱通才誠銳意興理將隨施輒效蓋桴鼓影響不足喻其捷也彼開治體者不以闕茸瘳功則以刻礫傷雅是先自攜也而安

望民之我思哉喬侯允升字吉甫別號鶴臯河南孟津人起家進士出令聞喜以治行第一移太谷五年於茲今應天子召北

上矣太谷鄉官郭障民崔澄武競趙謨白疇月等圖學生員王珂白松鶴郭允興郭尙賓等鄉耆白斗等思侯不已謀伐石以

紀德政乞言於余余惟太谷非昔稱難治之區耶俗侈而踰制則繩束難士驕而敗度則陶鎔難氓黠而健訟則聽斷難門左

少年背公結黨則排解難急之如焚絲緩之如水投石上與下方百相誘也百相蒙也弊所從來久矣侯豈弟從容不設城府

忠信明決洞見始終甫下車既加意振刷以資灌溉省樂平之
不翻更其不便者次第釐正溶耐泉之水以資灌漑省樂平之
徭以寬民力定婚喪之儀以崇儉樸嚴歌舞之禁以防淫汰給
織紡之資以周民用設賑濟之法以恤民窮墜鄉約之訓以昭
勸懲申保甲之條以息奸宄革拘攝之役以除橫擾黜胥吏之
狡以懲戒舞文且也出納明允杜侵漁也儲積允盈備凶荒也芟
闢荒蕪安流離也躬修邑乘昭文獻也驅散黨私重懲告誅抑
豪強也學宮再葺廟貌重新敦教化也禮隆縫掖躬課藝文育
英才也一時人士訢訢向風侈者修禮驕者戢容黠者輸誠未
佻豪俠者歛迹屏息兢兢惟懼善政善教有更僕誠未
易數者茲去也羣黎百姓親甘棠而增感勒堅珉而繫思豈其
驩虞要結乎哉余考兩漢循吏首稱龔黃文翁然一以重農稱
一以弭盜稱一以隆學校稱彼各擅一長猶頌聲至今布方策
况侯兼衆美異日太史傳循良以風來禩知不在龔黃下矣豈

特一邑
見思哉

明太谷縣知縣喬允升重浚耐泉碑在縣南十里耐泉寺

青主題額 東山底村龍泉寺門額有陽曲傅山題山環水遶四

大字

邑舉人趙昌晉跋其尾云此額爲寺中第一妙跡得保存至今者先輩石受元先生力也

清鳳山書院掌教王平格德教碑在縣署東舊鳳山書院內

今爲第一

高小 溫忠翰撰文

文曰古所稱鄉先生者必其德行足以扶世教其言語足以爲世法其發爲文章也尤足

爲多士楷模沾溉後學然而古有其事今難其人我仲坦王先生以名進士主講鳳山書院凡二十有二年邑之人無貴賤皆

敬禮之後學執經請業多所成就門徒稱極盛焉先生榆次西長壽里人其先世多以文名世者故先生夙承家學爲文章鉅

手生而穎悟過人天性孝友事親色養備至人無間言昆季相友愛壘麩雍穆一門之內藹如也躬行節儉生平無疾顏遽色

事事必求實踐以古聖賢爲法其待人也恭敬誠篤初終如一性澹泊通籍後授陝西知縣以母年高不樂仕進改教授選大

同任不就遂主鳳山講席丁母憂服闋選澤州教授赴官年餘乞假歸時我書院諸紳士猶延頸而望虛席而待焉先生於是

復就鳳山之聘居講院日與生徒討論經史暨諸子百家罔不貫通循循善誘人無棄材而於砥礪廉隅敦篤根本諸大端尤多所啟發一時人材輩出科第蟬聯遠近學者咸有山斗之戴其爲文清超一雋永得廬陵南豐之遺時藝總括名大家爲後學程式門人集金刊之凡三卷既鐫遺稿復將立碑講堂以彰先生之行而屬文於余後生小子烏敢爲先生序述盛德顧余幼學於京師不獲親先生之教澤而徒景仰芳徽流連慨慕則此屬也又奚敢辭先生卒於同治十二年七月二十一日春秋七十有二歿之日門人走相告皆嗚咽流涕不能成聲非德澤入人之深能若是歟則古所稱鄉先生者孰克當之哉宜乎門人之述其生平勸諸金石永垂不朽也

塚墓

周龐涓墓在縣東南七十里馬嶺半山中

郭志曰馬陵通鑑集覽徐廣云在魏州元城東

南十里正義虞喜志林云濮州鄆城東北六十里有陵可以置伏龐涓敗於此一統志云在大名府城東南十里三說雖小異

然總之皆在魏地此間因馬嶺聲之轉遂附會爲此不可解也舊志載唐人胡曾詩云路旁古木蟲書處記得將軍破敵年或

謂流傳自唐已然然而曾詩但云馬陵未嘗指言爲太谷之馬陵也安知所詠者非大名元城之地而記者牽附於此乎元遺

山身爲晉人考核精審其馬陵詩無一語及孫龐之事可見也但舊志相沿已久故附辨於此而仍存之

北魏冠軍將軍趙黎奴墓在縣東十里石象村

北齊散騎常侍翟嵩墓在縣南七里咸陽村北俗呼翟夫子墓

唐太尉房玄齡墓在縣西南十五里白城村南有巨碑文剝落不

可讀

郭志曰玄齡本傳以母喪賜坐昭陵園及玄齡薨亦陪葬昭陵新唐書諒從實錄第魏徵李靖亦陪葬昭陵者而一

統志則謂徵墓在晉州靖墓在開府通志又謂相傳玄齡墓在太谷白城村南或別有所據歟抑訛以傳訛歟趙志曰房玄齡

墓舊志泥唐書陪葬昭陵一語謂其訛以傳訛今考房氏族譜玄齡父彥謙齊州臨淄人故與太谷長殷開山相友善時隋末

山東亂道路梗塞彥謙避亂依開山僑寓太谷愛此地山川風俗之美欲徙居之後玄齡從太宗定天下爲勳臣首葬後陪葬

昭陵長子遺直嗣封爵尋遺愛罪以父功免死除名爲庶人遺直乃成祖父志徙籍太谷別葬玄齡衣冠於太谷之白城南

以便祭埽夫人盧氏祔焉所謂招魂葬也從此遺直一支遂爲太谷房氏始遷之祖墓後巨碑墓前石器國初遺跡猶在康熙

間學使稽公准以玄齡三十六世孫振奎爲奉祀生並以名臣遺塚特命勳加防護嚴禁樵牧夫碑文剝落不可讀古碣類然

然既有巨碑可證則事非臆造可知若以陪葬故並疑招魂之葬爲子虛其毋乃信古薄今而所見太偏乎今墓田四十畝屢

爲奸民攘斂坐是涉訟數年巨碑石器亦燬棄無復存者而白城墓址房氏子孫猶能指其故處茲據房氏族譜詳加考覈特

書房玄齡墓於前並附論
於此以補舊志之闕焉

唐鄉正馬惲墓在縣東二十里陽邑村東南塚址無存

唐南溪縣令孟貞墓在縣東二十里陽邑村東二里塚址無存

唐騎都尉智元墓在縣東十里朝陽村東北四里塚址無存

唐孝子劉明達墓在縣北七里水秀村東明達縣人事母至孝金

貞祐中封金吾上將軍

金金吾上將軍蒲察阿魯答墓在縣東南十五里惠安村墓記猶
存

金咸寧縣令冀天寵墓在縣東三十里白燕村西北

元國子監伴讀郝宗顏墓在縣東北二十五里白燕村相傳宗顏善榜書文廟匾額多出其手墓有石碑文剝落不可讀

王墓在縣東十五里董村南相傳爲王墓不知何代

俟考

明指揮李珩墓在縣南門外正德中封護國將軍碑志猶存

明按察司副使陳璧墓在縣南三里

明布政司參議趙體敬墓在縣東二里

吳塚在縣北十五里郭村南塚高大前一後五纍纍相聯不知誰

何之墓俗呼吳塚相傳薄暮塚巔猶有斜陽

舊志爲十景之一

明贈光祿寺少卿武維周墓在縣西南五里北沙河村北

楊長墓在縣東十三里杏林村北

王志濂舊經云長字公會樂平人

常飛虎墓在縣東南二十里四卦村俗呼大將軍墓塚址無存殘

碑尚在

舊志按吳塚楊長常飛虎墓世次均無考故類載於後

清總兵張淩霞墓在縣北十五里郭村西

清遊擊陳聖矩墓在縣西南十里中咸陽村北

清提督牛天畀墓在縣東六十五里梁平村東北

清通政司參議孟生蕙墓在縣西五里小王家堡北

清雲南巡撫杜瑞聯墓在縣東二十里陽邑村東

古樹

孔廟大成殿前有老柏三株樹身五六圍不等霜皮剝落枝幹盤
屈望之黛色葱葱然相傳爲建廟時所植考孔廟創於宋徽宗
崇寧間據此則老柏已千餘年矣

西賈村普向寺唐槐有碑記可考

王村眞武廟前有楸樹一株樹身十餘圍蔭可數畝相傳已千有
餘歲惜無紀載可考未敢斷爲何代物耳

北曲村有古槐一株樹身有隆起如瘤者二十箇經博物學家考
驗言歷二百年之久始生一箇此說確否雖未可知然其枝幹

蒼老想亦非數百年物也

